

續文獻通考卷之二百十一

哈佛大學漢和
圖書館珍藏印

石

氏族考 氏族顯望

皇明進士雲間王圻纂輯

萬石君家 漢石奮與子石建石慶又二子同時為二千

石人號為萬石君家

萬石嚴嫗 嚴延年兄弟五人皆有吏材至二千石人號

其母曰萬石嚴嫗

萬石馮氏 馮揚宣帝時為弘農太守有八子皆為二千

石趙魏間榮之號萬石馮氏

萬石秦家 秦彭茂陵人六世祖襲為潁川太守與群從

同為二千石者五人三輔號曰萬石秦家

萬石張家 唐張文瓘貝州人貞觀初以明經補并州叅軍後與李勣同相四子潛沛洽涉皆至三品時稱萬石張家

萬石廖氏 宋廖剛福建順昌人少從陳瓘楊時學後以徽猷閣直學士致仕子四人選過遵遂皆秉麾節號萬石廖氏

萬石王家 元翰林學士王磐字文炳廣平人世業農歲收麥萬石人號萬石王家

四姓 漢明帝時有四姓小侯乃樊鄩陰馬四外戚也元魏第甲乙丙丁爲四姓唐以崔盧李鄭爲四姓各有不同

銀鏤王家 晉太原王氏四姓得之爲美呼爲銀鏤王家喻銀質而金飾也

青箱王氏 王彪之至曾孫淮之四世御史中丞練習朝儀諳江左舊事緘之青箱號青箱王氏

五堂王家 隋時有王氏家富財帛埒于王侯有子五人各立一院棟宇崇顯邑里號五堂王家

義門裴氏 裴子通聞喜人隋時兄弟八人皆有孝行詔書旌表世稱義門裴氏

鳳閣王氏 唐王徽字昭文曾祖擇從及昆季易從朋從言從皆登進士第至鳳閣舍人者三人天下號鳳閣王氏

三戟張氏 張儉字師約兄文師弟延師並光祿大夫門
皆立戟人號三戟張氏

三戟崔家 崔琳開元中為中書舍人與二弟太子詹事
珪光祿卿瑤俱列祭戟世號三戟崔家

龍舌張氏 開元中張嵩都護北庭時沙州黑河有龍為
患嵩設祭因射殺之以獻上壯之詔斷龍舌函以送嵩

且子孫世襲沙州刺史後因號為龍舌張氏
闕下林家 林攢母亡作塚屋其日有白鳥來甘露降詔

作二闕于母墓前表其閭時號闕下林家
九牧林氏 林披生九子皆為刺史閩中號九牧林氏蘊
其第九子也

書樓張家 五代周張昭遠好學積書萬卷以樓藏之號

書樓張家 又宋張正及子郁俱為戶部郎中世尚儒
學積書萬卷于樓上亦號書樓張家

書樓孫氏 宋孫抃六世祖喜藏書為樓置其上蜀人謂
之書樓孫氏

五桂竇氏 竇儀及弟儼僖侃俱登科人稱為五桂竇
氏

義門陳氏 陳競家九世同居庭無間言江州人號義門
陳氏

義門金氏 金彥舉孝廉天下第一人號義門金氏

義門王氏 王夢易榮州人累世同居號義門王氏夢易

續文獻通考 卷之二百一
登皇祐進士

三槐王氏 王祐植三槐于庭曰吾子孫必有爲三公者
及旦果相真宗福祿榮名者三十餘年人號三槐王氏
桐樹韓家 韓繼兄弟八人並登科三爲宰相時韓琦家
亦同貴顯人但稱韓家無所別白以維宅有桐樹因稱
桐樹韓家時人有詩曰棠棣行中排宰相梧桐樹裏識
韓家

五經鄒氏 鄒至新昌人授諸子各一經號五經鄒氏

五忠劉氏 劉頴謚忠簡純謚忠烈韜謚忠顯子羽謚忠
定琪謚忠肅建人號五忠劉氏

忠孝曹家 曹矩休寧人登景祐進士以純孝聞贈父祭

黃時芝產塋上詔以所居爲忠孝鄉孝芝里孫央死于
方臘之難人稱忠孝曹家

忠義林氏 林冲之莆田人靖康中初爲主客郎中使金
不屈而死于都 以進士調福建茶司幹官爲亂兵所殺
從子震以進士仕至秘書少監不附二蔡有聲崇寧大
觀間震以進士爲勅令所刪定官詆紹興和議廢放而
死莆人稱忠義林氏

寶田杜氏 杜孟普州人遊太學因蔡京童貫用事幡然
歸嘗訓子孫曰忠孝吾家之寶經史吾家之田時號爲
寶田杜氏

義門李氏 李庭芝其先汴人十二世同居號義門李氏

穎川荀氏 漢荀淑生八子靖儉鯤燾汪爽肅專皆有才
行人號八龍而穎川之荀名于天下

穎川陳氏 陳寔生元方季方孫曰群寔為長子為卿孫
為公而穎川之陳與荀氏並

江夏黃氏 黃香以孝聞為尚書令子瓊位尚書僕射瓊
孫琬亦為五官中郎將族始盛矣

襄陽馬氏 蜀漢馬良字季長次伯常仲常次常幼常兄
弟五人並有才名里諺曰馬氏五常白眉最良以良眉

中有白毫故云
吳郡陸氏 吳郡之陸自陸續陸續以孝著陸遜陸抗以

功著陸機陸雲以文著而江左稱望族

晉王氏自王書生祥覽而祥位三公同時衍

綏澄戎敦導玄並位至三公才名冠世人號瑯琊八王
導之後治悅曇首弘儉又累世貴盛與五代相終始

太原王氏 王渾相之子兄弟四人並居高位至述與坦
之亦累世貴盛

河東裴氏 裴氏同時居顯位者八人時人以比八王徽
比王祥楷比王行康比王綏綽比王澄瓚比王敦遐比

王導頌比王戎邈比王玄 裴氏居燕者號東眷居涼
者號西眷居河東者號中眷

江左謝氏 謝安石繼王道為相姪玄肥水却敵後玄暉
靈運超宗及莊朏等皆善文章居顯位人以王謝同稱

東莞孫氏 梁孫謙字長遜為句容令有異政從子廉為
吳興太守亦以善政稱武帝嘗曰東莞二孫廉謙而已
東海何氏 何思澄字元靜與族弟遜及子朗俱擅文名
時人語曰東海三何子朗最多

江東岑氏 岑羲字伯華文本孫也為金壇令時弟仲翔
為長沙令仲林為溧水令皆有治績宰相宗楚客語本
道御史曰毋遺江東三岑也

河東薛氏 唐薛元敬有文學少與兄收及族兄德音齊
名號河東三鳳又稱三薛而薛綜薛榮薛兼又三世並
傳東宮故河東薛氏當世莫及

清江劉氏 宋劉敞與弟攸子奉世俱以文學名人稱清

江三劉

瑞陽劉氏 劉渙與子恕孫壯與三世以清節著人稱瑞
陽三劉與清江劉氏並

河南程氏 程顥程頤倡道河洛得千載不傳之緒人稱
河南二程

眉山蘇氏 蘇洵善文詞二子軾轍亦聰敏工文一時稱
文章之奇者必曰眉山蘇氏

臨江孔氏 孔文仲武仲平仲皆延之之子先聖四十五
代孫並有文才為美官人稱臨江三孔

洛陽种氏 种世衡放兄子也子古諤診皆有將材時號

三種

臨江謝氏 謝懋及其弟岐子舉廉世文同登進士第一人
號臨江四謝

盱江曾氏 歐陽修知貢舉時曾鞏兄弟四人同登進士
第後鞏與布鞏皆登高位人號盱江三曾

番陽洪氏 洪皓官翰林學士使虜全節而歸子适遵邁
皆登高第入翰林人稱鄱陽三洪而父子四學士尤所
希有

武陵柳氏 柳拱辰本青州人祖南徙居武陵舉進士通
判鄂岳州有惠愛弟應辰子洪猷等皆相繼擢第時號

武陵五柳

臨湘徐氏 徐偉臨湘人事母至孝歲荒不舉子者周之

所舉子皆以徐為名有八子皆貴顯號徐氏八龍而人

以臨湘徐為重

興中馬氏 金馬肩龍宛平人先世遼大族有知興中府
者時人號興中馬氏後肩龍死節于汝州

自京七貴 西漢時長安貴顯者史霍上官王趙丁傅以
不敢敵號外戚七貴

選曹七貴 隋時牛弘蘇威宇文述張瑾裴蘊虞世基裴
矩相繼典吏部時號選曹七貴

朱輪楊氏 漢楊惲家全盛時乘朱輪者十人

貂蟬盈幄 漢王氏一姓乘朱輪華轂者二十三人青紫

貂蟬充盈幄內

鄧氏貴盛 漢鄧禹後累世貴盛凡侯者二十九人公二人太尉二人大將軍以下十三人中二千石十四人列校二十二入州牧郡守四十八人其餘侍中大夫郎謁者不可勝數東京莫盛于此

耿氏貴盛 耿氏自中興後訖建安末大將軍二人將軍九人卿十三人尚公主三人列侯十九人中郎將刺史二千石數百人與漢同興衰

郭氏貴盛 郭躬陽翟人弘之子家世掌獄務在寬平自後子孫爲公者一人廷尉七人侯者三人刺史二千石侍中郎將者二十餘人侍御史正監平者甚衆

楊氏貴盛 元魏時楊氏爲爾朱榮所滅及楊愔輔高歡

有軍功請解職還葬一門之內贈太師太傅丞相大將軍者二人太尉錄尚書及尚書令者三人左僕射尚書五人刺史太守二十餘人寵榮之盛古今未有

弘吉刺氏貴盛 元河西王特薛禪女爲太祖后其後子孫以駙馬襲王爵者七人駙馬五人女爲皇后十三人貴盛無比

三人卿相 唐溫彥博與兄大雅弟大有皆知名薛道衡見之嘆曰三人者皆卿相材也後高祖兵興受禪擢大雅黃門侍郎而彥博亦爲中書侍郎對管華近高祖曰我起晉陽爲卿一門

三人學士 貞觀中顏氏師古相時勤禮三人皆爲弘文

館學士

一門三相 楊思道貞觀中拜中書令兄仁恭拜侍中從姪執柔武后朝拜同平章事 又韋承慶在武后朝代

父思謙為天官侍郎嗣立代兄為鳳閣舍人一門父子三相 又崔鉉初為荆南節度李石從事開平中拜相

子執叔兄式俱拜相時謂一門三相 宋史浩相孝宗彌遠相寧宗嵩之相理宗亦一門三相

一門四相 唐竇威武德初為中書令姪抗為納言加司徒從姪孫德玄為左丞相子懷貞為侍中一門四相

史臣曰竇氏在漢再為外戚元魏有三皇后在周為上柱國在隋為太傅而唐又為外戚支胄扶疎數百年所

憑厚矣 又宋呂蒙正相太宗夷簡相仁宗公著相哲

宗好問相高宗一門四相

一門五侯 晉周處既改行為御史中丞死于齊萬年之

難二子玘靖玘子勰封烏程郡公靖長子懋封清流亭

侯次子遙內史三子贊封武鄉縣侯四子縉封都鄉侯

一門五侯非止冠義興而已

一門貴盛 唐郭子儀封汾陽王八子顯者四人太子少

保代國公曜太子賓客趙國公晞太常卿代國公駿金

吾大將軍祁國公曙一門貴盛世無與比

父子師傳 漢疏廣為太子太傅兄子受為少傅每朝太

傅在前少傅在後

父子御史 杜延年字幼公周之子也周為御史大夫延年繼父官居府不敢當舊位坐卧皆易其處

父子通侯 蘇武父子居列將爵通侯

父子相代 公孫賀自太僕卿遷丞相其子敬聲代父為

太僕卿

父子賢令 南齊傅僧祐為山陰令其子琰繼為之山陰

東上大縣難治僧祐父子並著偉績江左罕有其比

父子隔坐 吳紀亮為尚書令其子隲為中書令每朝會

詔以御屏風隔其父子坐

父子侍郎 唐崔挹為禮部侍郎子湜遷兵部侍郎父子

同為南省副

父子節度 唐時勳將為節度者無如李郭然汾陽西平

猶不得父子並為節度而田弘正父子俱擁節麾同日

拜命

父子中書 蘇瓌子頴遷給事中拜中書舍人時瓌同中

書門下三品父子同在禁苑朝廷榮之 又前晉王珉

父洽為中書令至珉後居之時人以為奕世令望

父子史官 劉知幾與子貺同修國史

父子祖孫宰相 父子同為相者自殷伊尹伊陟而後漢

有周勃子亞夫 平當子晏 韋賢子玄成 李邵子

固 袁安子敞 王龔子暢 吳有陸遜子抗 北齊

有斛律金子光 唐有劉祥道子齊賢 樂彥瑞子思

晦 蘇瓌子頰 陸元方子象先 竇德玄子懷貞

李道廣子元紘 今狐楚子綯 崔鉉子沈 杜審言

子讓能 戴胄子至德 徐商子彥相 崔慎由子胤

韋仁約子承慶嗣立 鄭珣瑜子單期 李吉甫子

德裕 宋有呂夷簡子公著 韓琦子忠彥 曾魯公

公亮孫欽道

父子執政 宋自太祖至靖康父子執政者凡十二家

叅政王化基子舉政叅政 宰相呂夷簡子公弼樞密

使公著宰相 樞密使石熙載子中立叅政 門下侍

郎陳恕子鎮宰相 叅政范仲淹子純禮叅政純仁尚

書右丞 樞密使曹彬子瑋樞密副使 丞相蔡確子

懋尚書左丞 宰相蔡京子攸樞密使 樞密使曾公

亮子孝寬樞密使 同知樞密院王博文子璿樞密使

父子翰長 呂文靖公夷簡子公弼公著公亮公孺俱爲

翰長

父子狀元 宋真宗東封時放梁固以下進士及第祀后

土汾陰時放張師德以下進士及第固乃狀元顥之子

師德乃狀元去華之子也魏野詩曰封禪汾陰連歲榜

狀元俱是狀元兒 又前有安德裕子安守亮

父子太師 逆新時王舜子匡 宋史浩子彌遠 元月

赤察兒子瓜頭 馬札兒台子脫脫

祖孫執政 宋呂正獻孫舜徒 韓儀公孫似夫 梁莊

肅孫才甫 宣文忠孫季申 錢文僖元孫處和 王

文獻孫靖 張師黯孫蘭翼 張章簡孫元量 張榮

僖曾孫忠文 蔣穎叔曾孫子禮

叔姪宰相 呂文穆蒙正姪文靖夷簡相繼任宰相

叔姪執政 胡文公從子簡修 林文公從子彥振 史

簽樞密從子文惠 章文憲從孫質夫子厚

兄弟三禮侍 唐崔邠鄧鄆兄弟三人皆為禮部侍郎時

稱卓絕

兄弟四節度 唐西平王李晟子四人愿憲翹聽皆為節

度使秉麾鉞

兄弟四掌記 唐盧簡能簡辭弘正簡求並為節度使掌

書記

兄弟狀元 宋陳堯叟堯咨 宋郊宋祁 孫何孫

僅

兄弟宰相 韓康公弟莊敏

兄弟執政 呂鎮南弟正惠 陳文忠弟文惠 任康懿

弟安惠 吳正肅弟正憲 韓獻肅弟莊敏 王文公

弟和甫 蔡儋州弟元度 鄧子能弟文簡 洪文惠

弟文安 宇文仲理弟宗懿

父子兄弟翰苑 錢文僖公記父子入院一家李昌武兄

弟入院三家二竇阿象二李檉州二錢師聖以為極盛

矣其後父子入院者又四家錢希飛梁仲素蘇子儀洪

忠宣景伯兄弟入院者又九家二陳文惠二宋景憲二

吳正憲二韓特國二蘇文忠二曾文昭二蔡元度二字

文仲暹三洪然洪氏父子兄弟入翰苑者四尤為卓絕

三世司隸 漢鮑宣與子末孫昱俱為司隸乘驄馬人歌

曰鮑氏驄三入司隸再入公 又趙興子孫為司隸者

亦三世興子峻 峻子安世

三世廷尉 漢吳雄為侍中子孫三世為廷尉雄子訢訢

子恭

三葉侍中 漢馮魴字孝孫安帝時為司空父子三葉侍

中兄弟並帶金紫

三世將軍 晉周訪少與陶侃友善渡江為將軍平華軼

杜弢二難長子撫有父風撫子楚楚子瓊有將畧三世

皆為將軍

三世益州 周訪為益州牧訪子撫撫子楚三世皆領益

州

三世僕射 晉謝安子惔惔子琨三世皆為僕射 晉孔

愉子安國孫靖皆為僕射 唐高儉字士廉貞觀中拜

右僕射子孫三世皆居此職

三葉擁麾 晉毛寶為廬江太守自寶至孫瑗三葉皆擁

節旄

三世祭酒 梁王承為國子祭酒承祖儉父暕皆居此職

三世為國學師前此未有

三世中書令 晉王坦之與父述子愉三世皆為中書令
三世中丞 唐盧奕拜御史中丞自懷慎煥三世居此官
清節似之世傳其美

三世宰相 唐張嘉貞玄宗時為相嘉貞子延賞德宗時
為相延賞子弘靖宣宗時為相

三世典選 唐劉珍甫子祥道祥道子齊賢三世典選
又韋挺子待賈待賈子萬石亦三世典選

三世司業 唐孔穎達為國子司業穎達子志玄志玄子
惠元皆繼其任

三世金吾 唐田仁會為平州刺史民以父母歌之遷右
金吾子歸道孫延賓三世並居此職 又趙才子道真

道真子皎二世並為金吾

三世四將軍 唐薛仁貴從太宗征遼白衣陷陣高宗時
以三箭定天山卒贈驍衛大將軍子餉餉子徵並羽林
將軍暢金吾將軍三世四將軍

三世四學士 唐于志寧太宗時為學士曾孫休烈烈二
子益肅皆為學士三代四學士人榮之

三世五學士 唐韋貫之仕憲宗朝其伯兄綬仕德宗朝
子澳仕宣宗朝澳子庠仕僖宗朝弟郊仕明宗朝三世
五人皆為翰林學士

三世中書 唐張說自中書舍人拜工部侍郎子均孫濛
皆自中書舍人拜禮部侍郎奕世無比 又李德林李

百藥李安期 齊徐暉徐堅徐嶠 孫述孫宿孫簡

宋李昉李諤李昭述皆三世居中書堂制誥

三世左丞 唐韋仁約韋濟韋弘景

三世京尹 宋梁子美權開封尹入謝言曾祖顯祖適皆

嘗鎮府書今臣復攝此職懼弗克堪徽宗曰卿三世京

尹縉紳盛事

三世探花 宋李昌武昉之子其子昭邁十八歲鎖廳及

第昭邁子杲卿杲卿子士廉皆不逾二十歲繼之三世

俱為探花即亦衣冠盛事也

四世三公 後漢楊震與子秉俱官至太尉孫賜為司空

曾孫彪亦拜太尉自是華陰楊氏名振天下

四世五公 漢袁安章和時為司空復為司徒子敞孫湯

曾孫逢隗皆登公位四世五公

四世鄉郡 晉會稽孔愉子安國孫靖靖二子山士虔符

四世五人皆為本郡太守 元魏畢眾敬仕為交州刺

史子元賓元賓子祖暉祖暉子義雲亦四世為本郡太

守

四世中丞 南宋王淮之晉尚書僕射彬玄孫也曾祖彪

之祖臨之父紘之至淮之四世並為御史中丞

四世中書 唐張嘉貞子延賞延賞子弘靖弘靖子次宗

四世並為中書舍人 又宋胡宿胡宗愈胡交修胡世

將亦四世居中書掌制誥

四世典選 唐房穎叔拜天官侍郎自其高祖至穎叔四代咸居選部時論榮之

四葉表閭 唐尹嗣宗子平孫恭先曾孫仁恕皆有孝行朝廷旌表之王荆公詩曰四葉表閭唐尹氏

四世節度 宋吳越王錢俶俶子惟演惟演子暄暄子景臻景臻子忱四世皆為節度

五世大儒 漢韋賢宣帝時拜相自韋孟至賢五世為鄒魯大儒

五世盛德 晉王昶昶子湛湛子承承子述述子坦之又杜畿畿子恕恕子預預子錫錫子又五世皆稱盛德

五世侍中 晉陸玩器量淳雅為侍中司空子紬次子始

孫萬載曾孫真玄孫慧曉五世並為侍中

五世吏部 晉何尚之子偃偃子戢戢子昌寓昌寓子敬

容五世吏部尚書

南宋謝莊晉征西將軍萬之玄孫也莊為吏部尚書子朏

朏子淪淪子覽覽孫温六代五人皆任此職

五代宰相 唐杜如晦五世孫元穎元穎姪審權審權子

讓能讓能子曉五代並為宰相

四世尚主 金徒單照至曾孫繹尚主者凡四世

六世尚主 元魏太尉穆崇子太尉觀尚宜陽公主觀子

征東大將軍中書監壽尚樂陵公主壽子中書監平國

尚陽城公主平國子中書監羅尚新平公主羅子尚書

司空亮尚中山公主亮子開府中書監紹尚瑯琊公主
凡六世尚主諸昆季尚主者又十餘人七世掌樞密二
代封王四人為三公古所未有

七世內侍 漢張安世宣帝朝以定策功拜大司馬七世
至張吉皆為侍中 金日磾以休屠太子降漢常以篤
敬悟主忠信日著後子孫七世為內侍

七世通顯 後漢應順應疊應柳應奉應邵應瑒應亨

晉王導王洽王珣王曇首王僧虔王楫王均並七世通顯
八葉宰相 唐蕭瑀後梁明帝子也瑀為太宗時相後高
相玄宗華相肅宗復相德宗真相憲宗俛相穆宗倣相
懿宗凡八葉宰相論者謂梁氏與江左實有功在民終

無大惡故餘祉及其後裔如此

十世大夫 漢汲黯之先有寵于古之衛國至黯十世世
為卿大夫

皇明氏族顯望

郭氏子孫蕃顯 武定侯營國威襄公郭英兄弟四人長

早卒次子興以軍功封鞏昌侯贈陝國公謚宣武次德
成福建都指揮姊為 高皇帝妃子十二人鎮銘鏞鑑

鏞銓錡鈺鈇鑕鋼鑰鎮駙馬都尉尚 永嘉公主銘

遼王府典寶追封武定侯鏞中軍都督府右都督鑑為
中都留守司副留守鏞散騎舍人鈺贈承德郎尚寶司
司丞鈇旗手衛指揮使女九人長適府軍衛指揮僉事

藺瑜次適濟寧衛指揮使戈某次 遼王妃次適府軍
衛指揮僉事趙斌次 郢王妃次適金吾右衛指揮同
知范聚孫男二十有八琮琤璧瑋瑛瑒瑛瑢瑛瑣瑛瑤
瑛瓌瑛瓊瑛琰餘尚幼琮府軍衛指揮僉事琤為都督同
知襲武定侯珺尚寶司丞瑀 梁王府典寶曾孫登為
名將封定襄伯贈侯女為 仁宗昭皇帝貴妃公之勲
名祿位雖未能上躋汾陽而子孫之盛今昔罕比
父子同時大位 嚴分宜嵩在相位而子世蕃為侍郎然
是廕官耳若萬文康安以少師居首揆而子翼為兵部
右侍郎李文敏廷相為南吏侍父瓚為右副都林公庭
機為南大宗伯子爓為北少宗伯武臣則李貞為恩親

侯而子文忠封曹國公昌平侯楊洪與子左都督俊同
總京營兵馬足可述也

三代封王 洪武中中山開平岐陽黔寧永樂中河間東
平薨後俱封王其曾祖祖父三代俱追封王爵他功臣
不得同 河間忠武王張王子定興忠烈王輔孫寧陽
恭靖王懋凡三代王東平朱武烈王能子平陰武愍王
勇又再世而定襄恭靖王希忠繼之亦可稱三代也

一門兩公 中山王首佐 太祖定天下功業爵位朝班
廟享皆第一封魏國公歲祿獨五千石世世承襲嗣公
輝祖既殉節以終次子增壽復以 龍潛翊戴贈爵上
公啟國於定一門兩公往往對握 二都兵政諸勲貴

無敢埒者 又三女一為 文皇后一為 代簡王妃
一為 安惠王妃

父子三公 太師英國公張輔子懋復為太師俱加階特
進俱勲左柱國 俱再知 經筵事俱再監修 國史

足稱東第之冠其次則朱保公未為太師子暉為太保
孫會昌侯繼宗為太傅孫銘為太保僅三家

三代尚書 尚書宰執大臣漢則楊震四公唐則張嘉貞
三相耳 國朝尤不易得唯南京兵部尚書林公瀚瀚

子南京禮部尚書庭機庭機子南京禮部尚書爍
父子尚書 父子俱仕至尚書者吏部尚書兼翰林學士

承旨詹公同 太子少保吏部尚書兼都察院左都御

史徽

詹同見任時尚書尚止三品
今以其名職皆尚書故記之

太子太保吏部尚

書何公文淵刑部尚書喬新少保吏部尚書謹身殿大

學士兼東閣大學士王公文南京禮部尚書宗彝刑部

尚書耿公九疇 太子太保吏部尚書裕南京刑部尚

書周公瑄 太子太保禮部尚書經南京禮部尚書倪

公謙 太子少保吏部尚書岳刑部尚書施公禮 太

子少保禮部尚書掌鴻臚寺事純 太子少保兵部尚

書白公圭 太子少保禮部尚書翰林院學士錢 太

子太保吏部尚書王公恕南京戶部尚書承裕南京工

部尚書侯公瓚戶部尚書觀 太子少保吏部尚書許

公進南京戶部尚書誥少傅 太子太傅吏部尚書文

淵閣大學士讚 太子太保兵部尚書論南京兵部尚書林公瀚 太子太保工部尚書庭棹南京禮部尚書庭機南京吏部尚書王公華新建伯南京兵部尚書都察院左都御史守仁南京刑部尚書吳公洪刑部尚書山戶部尚書李公瓚 太子賓客戶部尚書翰林院學士廷相 太子少保刑部尚書劉公璟刑部尚書詔南京工部尚書何公詔刑部尚書鰲少師 太子太師吏部尚書楊公博戶部尚書俊民南京禮部尚書孫公陞南京吏部尚書鑰都察院右都御史王公材南京刑部尚書世貞凡二十二家四十七人內詹許俱太宰倪氏俱學士林氏俱司成 又朱復為燕府左相位尚書之

上而子濬為刑部尚書楊公博為少師而次子俊卿至都督同知雖文武異途然俱腰王皆可紀也

三代大司成 林文安瀚子庭機孫煉俱為國子祭酒三代 國師惟王儉有之近世罕見

三代翰林 林文安瀚為編修庭機為檢討煉亦為檢討至學士三代翰林亦 國朝所無

三代三品九卿 都察院右副都御史餘姚孫忠烈公燧南京禮部尚書文恪公陞南京禮部右侍郎鋌 太倉

王用檢為南京兵部右侍郎子民應為都察院右都御史兼兵部左侍郎孫世貞為南京刑部尚書 華亭少

師大學士徐文貞階子太常卿璠孫太常卿元春

父子至三品九卿 翰林院學士朱公升時品從三子禮

部右侍郎大同兵部右侍郎鍾公昂戶部右侍郎永吏

部尚書趙公好德工部左侍郎毅戶部尚書王公鉞戶

部右侍郎淪工部左侍郎陳公壽戶部右侍郎常禮部

左侍郎儀公智 太子太保兵部尚書銘工部尚書黎

公澄右侍郎叔林禮部左侍郎蔣公驥都察院左副都

御史琳工部尚書畢公亨都察院右副都御史昭少師

太子太師吏部尚書華蓋殿大學士萬公安南京禮

部左侍郎翼兵部尚書兼大理寺卿程公信禮部右侍

郎翰林院學士贈尚書敏政戶部右侍郎李公暹南京

戶部左侍郎益吏部右侍郎楊公守陳刑部右侍郎茂

元南京吏部尚書王公輿都察院右副都御史沂 太

子太傅刑部尚書白公昂都察院右副都御史圻都察

院右副都御史李公介子兵部左侍郎昆少傅 太子

太傅戶部尚書謹身殿大學士謝公遷吏部左侍郎翰

林院學士丕南京禮部尚書江公瀾工部右侍郎曉兵

部右侍郎邊公鏞都察院左都御史憲右副都御史寔

禮部尚書劉公春右副都御史彭年南京工部尚書董

公越大理寺卿天錫都察院右副都御史王公珣右副

都御史崇文都察院右副都御史孫公鏗禮部尚書陸

都察院右都御史劉公洪右副都御史臬刑部尚書楊

公志學兵部左侍郎守謙 太子太保兵部尚書王公

憲都察院右副都御史汝孝兵部左侍郎陶公諧右副都御史大順吏部右侍郎大臨少師 太子太師吏部

尚書華蓋殿大學士嚴嵩工部左侍郎世蕃以嵩刑部

左侍郎劉公玉南京工部右侍郎慈都察院右副都御

史吳公瀚通政司通政使三樂兵部尚書王公邦瑞南

京刑部右侍郎正國大理寺卿汪公文盛南京吏部尚

書宗伊署兵部尚書李公燧僉都御史材

五世甲科 仁和江批子瀾孫曉曾孫圻玄孫鐸巴縣劉

規子春孫彭年曾孫起宗玄孫世賞皆五世甲科

父子贈官一品 父子生前無俱一品者贈則有之 太

子太保儀智太師銘 太子太保鄒濟少保幹 太子

太保許進 太子太保誥少師讚 太子太保林瀚少

保廷梯 太子太保李瓚 太子太保廷相實以尚書

贈者三家耳若儀鄒二公以三四品得之則 東宮恩

也

四代尊官 刑部尚書劉公廣衡子湖廣左布政使喬喬

子刑部左侍郎王玉子南京工部右侍郎愨二品三品

合四代亦近世所無

兄弟三品九卿 少保彭公特尚書華工部右侍郎禮大

理寺卿章公格都察院右副都御史律吏部右侍郎楊

公守陳南京吏部尚書守陟工部尚書守隨都察院右

副都御史周公季麟右都御史季鳳少師 太子太師

吏部尚書華蓋殿大學士楊公廷和兵部左侍郎廷儀
 禮部尚書汪公俊吏部左侍郎偉少保 太子太保禮
 部尚書席公書吏部侍郎春吏部尚書羅公欽順都察
 院右副都御史欽忠工部右侍郎陳公瑋都察院右副
 都御史瑛吏部右侍郎歐陽公鐸禮部尚書德南京工
 部侍郎塾都察院右副都御史劉公渠及臬南京戶部
 尚書張公珩戶部右侍郎玘工部左侍郎郭公壘南京
 工部右侍郎鑿少師大學士徐公階南京刑部右侍郎
 陝都察院副都御史萬公朝禮部侍郎浩通政使汪公
 宗元南京吏部尚書宗伊兵部尚書陳公瑞右侍郎省
 都察院右副都御史陶公大壯吏部右侍郎大臨若南

京兵部尚書劉龍弟左僉都御史夔都察院右僉都御
 史高捷弟少師中極殿大學士拱禮部尚書陸樹聲弟
 右僉都樹德右副都御史張禴弟右僉都御史禴南京
 工部尚書翟公瑄弟太常卿瑛近時南京吏部尚書孫
 公鏞南京禮部右侍郎鈇通政使徐公元氣兵部侍郎
 元泰亦可附見

父見任內閣子孫登第 子及第者 弘治乙丑謝文正

子不正德辛未楊文忠子慎萬曆丁丑張少師子嗣修
 庚辰懋修成進士者正德戊辰焦少師子黃中嘉靖癸
 未楊文忠子慎丙戌費文憲子懋賢甲辰翟文懿子汝
 儉汝孝隆慶戊辰陳少傅子于陞萬曆丁丑呂文簡子

與周庚辰張少師子嗣修張少傅子嘉徵癸未次子甲
徵申少保子用懋孫成進士者成化丁未萬文康孫弘
璧見任吏部尚書而子成進士者嘉靖己未吳太保子
紹武進士第一者隆慶戊辰楊襄毅子俊卿可謂一
時之盛然成化以前皆無之

父子兄弟有文名 弋陽汪鳳以進士至參政而子郎中
僕大宗伯俊少宰偉太常佃高科有文行吳郡皇甫重
慶稱博雅而子鄉進士冲按察潯沔工部濂俱以古文
辭名於世又青州馮按察裕子鄉進士惟健行人惟重
郡倅惟敏光祿卿惟訥亦庶幾焉其詞翰彪映自謂逾
於貂珥之連綿也惟重子至儀為按察副使孫琦為禮

部尚書

兄弟翰林 兄弟三人入翰林者凡二家王編修璉贊善

璉侍講璉在洪武永樂間汪尚書俊以學士侍郎偉以
侍讀太常卿佃以侍講在弘治正德嘉靖間

一門高第 謝文正遷以解元會魁中狀元而子丕復以

解元會魁及第倫諭德文叙以會元中狀元而長子通
叅以諒復領省解次子祭酒以訓會元及第此其最盛

者也黃行人乾亨子御史如金伍叅政子都御史符史
僉事俊子尚書道毛文簡紀子太僕渠張侍郎志淳子

副使合俱父子解元曾狀元鶴齡孫追費狀元宏從子
懋中羅文莊欽順從子理俱進士及第孫文恪陞及第

而子鋌鄉薦第一鑛會試第一陞兄堪武會舉第一至都督劉尚書龍祖副使絜父刑部鳳儀俱鄉試第四人龍及子郎中承恩俱第二人葛少保守禮與其孫庶吉士曦俱山東解元若兄弟高科如未樂甲申周庶子述長史孟簡同科及第正統景泰中彭文憲時中狀元文思華中會元然是從弟兄耳楊文懿守陳尚書守陞劉文簡春叅政台王文莊鴻儒布政鴻漸俱解元而守陞春復及第其三兄俱謚文楊光祿惟聰己卯解元辛卯狀元而兄庶子惟傑丙戌及第尤為盛事王宮保錫爵經魁會元及第而弟鼎爵復會試第五人宮保子衡北京鄉試第一廷試第二江陵張嗣修第一甲第二人

弟懋修第一甲第一人王刑侍宗沐以春秋中第三人而子郎中士琦知州士崧知縣士昌俱連以春秋中第五人俱成進士叅政曹樓與祖父俱應天解元

父子兄弟貴盛一時 嘉靖初 武宗實錄完少保太學

士費公宏進少師從弟編修家進左贊善從子懋中進修撰而子懋賢復為庶吉士隆慶初徐公階以少師當首揆而弟陟為南少司寇長子璠以太常卿掌尚寶司次子琨少子瑛俱為少卿歸後孫元春舉進士亦為太常寺卿楊公博以師傅位太宰而子俊民以會魁歷提學太僕少卿後至尚書俊卿鄉武會第一至錦衣衛都指揮後至都督同知俊士舉進士一子鄉舉餘廕叙又

續文獻通考 卷之三百一
二人沒後俊卿子元祥十九舉進士為翰林檢討萬曆
初張公居正太師當首揆而子懋修為儀部郎嗣修榜
眼敬修狀元為翰林修撰簡修為錦衣衛指揮同知景
泰中楊穎公洪以昌平侯掛鎮朔大將軍印鎮宣府從
子信以都督同知充宣府左叅將從弟能以都督僉事
充宣府右叅將子俊以左都督總三千營兵馬領 勅
候有聲息為後繼寧遠伯李成梁以太保鎮遼東子如
松以都督僉事鎮宣府如栢以都督僉事充副摠兵如
楨以都指揮使掌錦衣衛可謂文武一時一家之盛張
後闔門削奪楊氏俊嗣侯信能皆封伯

門宗仕宦

一門科第祿位之重弘治正德間無過於鄞

縣楊氏者吏部右侍郎詹事府丞守陳南吏部尚書守
陞工部尚書掌大理寺事守隨廣西右布政使守隅皆
昆季也刑部右侍郎茂元按察使茂仁皆守陳子也靈
寶之許則 太子少保吏部尚書進進子少保吏部尚
書文淵閣大學士讚南京戶部尚書誥 太子太保兵
部尚書論及諸子孫為郡守曹郎登科甲者又十餘人
福州之林自郡守元美子南京吏部尚書瀚瀚子 太
子太保工部尚書庭梲南京禮部尚書庭機庭梲子通
政司參議炫庭機子南京禮部尚書爓建昌知府燧及
他蔭叙者亦不下數人吳江之吳尚書洪子尚書山叅
政巖知府崑諸孫行太僕卿邦禎曾孫布政承燾餘鄉

貢士凡五人餘姚之孫副都御史贈尚書燧子都督僉
事堪尚寶卿墀南京禮部尚書陞堪子都督同知鈺陞
子禮部侍郎鋌刑部尚書鑰布政使綜太常少卿鑰鑰
子進士如法墀子亦舉鄉試鉛山之費少師大學士宏
少保尚書宋伯父參議瑄宏子武選懋賢從子修撰懋
中工部郎中懋良四川之劉御史規子尚書春參政台
春子副都御史彭年彭年子行太僕卿起宗子布政使
世賞台子參政鶴年後有右都御史世曾蔭叙者亦數
人若宗黨貴盛一時者嘉靖間少宰歐陽鐸大宗伯德
少司空塾少保必進太僕卿衢都御史重御史席餘丞
郎守令數人少司馬潘珍潘旦少司空希曾大司空鑑

大司馬潢及會稽之陶參議懌司馬都憲諧少宰學士
大臨南大宗伯承學布政使幼學參政大年都御史大
壯布政使大順憲副大有尚寶丞允淳主事允宜編修
陶望齡九進士而薦鄉科者又十餘人

三代甲科同時俱在 少師大學士萬安戊辰子南京禮
部右侍郎翼丙戌孫翰林庶吉士弘璧丁未致仕提學
僉事楊春辛丑子少師大學士廷和戊戌孫翰林修撰
慎辛未南京兵部尚書林瀚丙戌子右參政庭樞己未
孫禮部主事炫甲戌撫州知府林春澤甲戌子戶部右
侍郎應亮壬辰孫提學副使如楚壬戌禮部尚書董份
辛丑子南工科給事中道醇癸未孫禮部郎中嗣成庚

續文獻通考 卷之三十三
辰三代俱無恙

兄弟尚書 南京工部尚書蔣公昇少傅 太子太傅戶

部尚書謹身殿大學士冕 太子少保戶部尚書石公

玠少保 太子太保吏部尚書武英殿大學士珪南京

戶部尚書許公誥少傅 太子太傅吏部尚書文淵閣

大學士讚 太子太保兵部尚書論 太子太保工部

尚書林公庭梈南京禮部尚書庭機

係親昆季

按許氏兄弟三人皆少傅官保而復腰王尤所希有

文臣父子 賜諡 父子俱得諡者凡十五家朱忠定復

榮愿濟儀文簡智忠襄銘鄒文敏濟康靖幹王毅愍文

安簡宗彞周莊懿瑄文端經耿清惠九疇文恪裕白恭

敏圭文裕鉞倪文僖謙文毅岳王端毅恕康僖承裕許

襄毅進莊敏誥文簡讚恭襄論林文安翰康懿庭梈孫

忠烈燧文恪陞陶莊敏諧文僖大臨楊康惠志學恪愍

守謙又宋忠肅崇祿仕元而子文恪訥

按倪父子同諡文尤為卓絕

祖孫尚書 工部尚書薛公祥南京兵部尚書遠工部尚

書王公未壽少師吏部尚書瓊兵部尚書孫公原貞南

京吏部尚書需 太子賓客戶部尚書劉公中敷 太

子少保吏部尚書機若 太子太保兵部尚書劉莊襄

公天和廕孫守有至 太子太傅左都督掌錦衣衛事

雖文武異途而皆至文銜一品亦可附見

祖孫三品九卿 刑部尚書劉公廣衡刑部左侍郎王兵部右侍郎喬公毅少保 太子太保吏部尚書宇工部右侍郎贈禮部尚書黃公孔昭禮部尚書綰禮部左侍郎李公嘉兵部左侍郎震都察院右副都御史曹公鳳南京工部尚書亨兵部左侍郎贈尚書陶莊敏公諧吏部右侍郎贈尚書文僖公大臨

兄弟 賜謚 文臣彭文憲公時文思公華楊文懿公守陳康簡公守隨周僖敏公季麟康惠公季鳳費文憲公宏文通公家凡五家而周為同產武臣則江國吳襄烈公良海國襄毅公禎陝國郭宣武公子興營國威襄公英邠國吳壯勇公克忠遵化僖愍伯克勤太傅慶雲周

恭和侯壽太保長寧榮僖伯或定襄朱恭靖王希忠太傅忠僖公希孝若兄弟三人賜謚者文臣許莊敏公誥文簡公讚恭襄公論武臣西平沐忠襄侯春黔國公定遠忠敬王晟定邊武襄伯昂定興張忠烈王輔裕國勇襄公軌文安忠僖侯輓而皆同產尤為奇絕

父子翰林 父子同在翰林者若唐應奉肅侍講之淳胡閣學廣檢討種金閣學幼孜檢討達王學士直檢討積曹學士魯修撰恩倪學士謙學士岳楊中允鼎學士時暢商殿學輅侍講良臣鄒少詹濟禮部右侍郎兼左庶子幹焦殿學芳侍讀黃中劉閣學宇編修仁謝殿學遷學士丕江學士瀾修撰暉楊殿學廷和修撰慎倫諭德

文叙諭德以訓孫中允陞諭德銜是沈馬慄庶吉士東
吳陳殿學以勤學士于陞張殿學居正編修嗣修撰
懋修內胡氏金氏曹氏皆以蔭叙得之而倪公父子文
學尤為盛事

父子贈爵 令典開茅土者公贈王侯贈公伯贈侯其嗣
爵者非有奇功異能不得加贈今聊記之除前封王外
元帥贈河間公俞廷玉長子平章政事贈魏國公通海
魏國公贈中山王徐達次子左都督贈定國公增壽都
督同知贈蘄國公康茂才子蘄春侯贈蘄國公鐸都指
揮初贈榮國公加贈河間王張玉子英國公贈定興王
輔次子文安伯贈文安忠僖侯輓太平侯贈裕國武襄

公軌平江伯贈平江侯陳瑄子平江侯贈黔國公豫右
都督贈涇國公陳亨子寧陽侯贈濬國公懋武進伯贈
武進侯朱榮子嗣伯贈武進侯冕豐城侯贈茂國公李
彬子嗣侯贈豐國公賢廣寧伯贈廣寧侯劉榮子廣寧
侯贈嶧國公安恭順侯贈邠國公兵克忠子嗣侯贈涼
國公瑾會昌伯累贈安國公孫忠子嗣侯贈鄉國公繼
宗撫寧伯贈撫寧侯朱謙子保國公贈宣平王末慶雲
伯累贈寧國公周能子慶雲侯贈宣國公壽

四乳八子 戊午舉人顧合璧聯璧其父四舉胎生八子
與周亦間氣也

倫氏一門三元 廣東倫氏科第一時極盛諭德文叙中

會元狀元通參以諒中解元及第第二人蓋父子合三元世所希有

續文獻通考卷之二百十二

皇明進士雲間王圻纂輯

氏族考 改易姓氏

周造父攻徐偃王破之周穆王賜以趙國由此為趙氏

穆王宮中盛姬卒悲痛之改其族為痛氏

項伯有功于漢漢封為列侯賜姓劉氏

漢時扶嘉本非姓扶高祖為漢王時與嘉相遇嘉勸以定

三秦高祖以其志在扶翼賜姓扶氏

婁敬說高帝都關中賜姓劉氏

金日磾本匈奴休屠王之子降漢武帝以休屠用金人祭

天賜姓金氏

鄧食其曾孫賜以食其為氏玄孫武為侍中平帝改賜侍其

成帝時班婕妤進侍者李平平得幸立為婕妤上曰始衛皇后亦從微起廼賜平姓曰衛所謂衛婕妤也

王莽時劉嘉以獻符瑞封扶美侯賜姓王氏嚴尤廉丹皆賜姓徵氏號二徵將軍改巨無霸為巨毋氏謂因文毋

太后而霸王符也

晉初于晉州胡賜姓呼延氏

後趙石勒本匈奴別部後賣與師氏為奴師家隣于馬牧牧師汲桑與之往來遂命勒以石為姓以勒為名

梁天監中餘姚石靈壁寓居湖州西溪生女選入宮生元

帝進號修容改姓曰阮

後魏時章仇禿髮氏來歸太武帝賜姓源氏以與同源也

豆盧本慕容氏燕敗歸魏北人以慕義為豆盧賜姓豆盧

氏

李陵裔在胡地者來歸魏見于丙殿賜姓丙氏

竇武被害族人竇章奔狄其裔孫存者賜姓紇豆陵氏後

復改為竇氏

賀若氏代居玄朔無姓隨魏南遷北俗以忠貞為賀若因

賜氏焉又賜大司空田宏固紇干氏許昌公陳忻尉遲

氏侯植從魏帝西遷賜姓侯伏氏又賜賀咄氏

閻慶李虎謝懿皆賜為大野氏又賜李弼徒何氏高崇羽

真氏

李屯高懽部將也為獨孤信所擒宇文泰愛其才配為士
伍賜姓獨孤氏

高獲自高麗歸西魏賜姓獨孤氏高賓自東魏來亦賜獨
孤氏又賜王顯為乙速孤氏辛威為普屯氏

西魏賜王雄為可頻氏王盟王康為拓王氏

北齊賜王興為拓至氏元文遙為高氏

周宣帝禁人有天高太上之稱改高氏為姜氏

周賜楊紹為屋引氏楊粵為越勒氏楊忠為普六茹氏蔡
裕為大利稽氏韓褒為侯呂陵氏段植為賀屯氏段永
為爾綿氏王勇為庫汗氏楊紹為叱呂引氏楊纂為莫

胡盧氏耿豪為和稽氏陸通為步六孤氏裴文舉蘇椿

梁臺為賀蘭氏申徽韋孝寬韋瑱柳慶崔宣猷崔士謙

崔士約辛卞鄭道邕李彥王悅張軌薛端薛善王傑李

和劉雄令狐整趙昶柳敏韓雄唐瑾皆為宇文氏瑾又

萬鈕于氏以于寇雋為若口引氏項亶為辛氏楊突李

盛皆賜獨孤氏又賜李賢妻吳氏姓宇文氏王德姓烏

丸氏賜劉道德姓名侯莫陳亮賜寇和姓若引氏郭衍

張照俱姓叱羅氏衍至隋高祖獨孤楷本姓李氏為獨

孤信所愛因賜姓獨孤氏隋時周搖初姓普乃及居洛

陽改周氏魏閔帝賜姓車非氏隋高祖受禪復姓周

楊又臣本姓尉遲氏文帝賜姓楊氏編之屬籍為皇從孫

李穆有軍功文帝賜姓拓跋氏

段義臣父崇與突厥戰死文帝將賜姓為金氏鮑宏曰昔項伯不從項羽漢帝賜姓劉氏秦真父能死難魏武賜姓曹氏如臣愚見請賜以皇族乃賜姓楊氏

牛弘本姓寮父允為後魏侍中賜姓牛氏

盧大翼本姓章仇氏文帝從容言天下氏族謂大翼曰卿姓章仇四岳之裔與盧同源乃賜姓盧氏

唐李藝本姓羅武德時自隋降唐賜姓李氏

李勣本姓徐太祖以其不背德不邀功賜姓李

練河本姓東太宗以其精練軍戎賜姓練又以突厥留河南不便賜阿史那思摩突地稽皆姓李使還舊土

李良臣本姓阿跌世為河曲九部首長太宗時內屬使襲

雞田刺史賜姓李光顏光進皆其子也

李獻忠本突厥阿思布來降于唐玄宗賜今姓名

李抱玉本安重璋玄宗以其戰河西有功賜今姓名

魚朝恩本夷族上元中奏改姓魚

桓廷昌上元中奏改為姜

暨佐時上元中奏改為周

李令忠本姓曹肅宗時為四鎮留後遣使入朝賜姓李

李寶臣本張志忠代宗喜其來降以為成德軍節度使賜

姓李

范陽董秦大曆中賜姓李

續文獻通考卷之三十三

奚酋長李氏元和中賜姓李

劉季真歸降賜姓李

王簡為鎮州小將願竭力區處殺田弘正賊穆宗賜姓名

李全畧

武宗以盟沒斯為懷化郡王賜姓李

昭宗賜孫德昭姓名李繼昭賜周承誨姓名李繼誨董彥

弼亦賜姓李氏以其有復位功也

賜姓李氏者又有邴元紘杜伏威郝庭玉宋文通胡大恩

弘播郭子和麻延昌鮮于叔明安元諒張寶臣阿希布

懷孫跌光進舍利奉國董忠臣朱邪國昌皆由立功賜

國姓武后改唐為周賜豫王旦廬陵王故太子賢子光

順等與契苾明妻及母臨洮公主皆姓武氏又以史納

滋為納言宗秦客檢校內史傳遊藝為鸞臺內史平章

事並賜姓武氏李楷固本契丹部族降唐武后以其計

契丹有功亦賜姓武氏

李叔文係敬業之叔武后以其不從敬業賜姓武氏

後唐段凝賜姓名李紹欽袁象先賜姓名李紹安趙德鈞

賜姓名李紹斌夏魯奇賜姓名李紹奇元行欽賜姓名

李紹榮杜晏球賜姓名李紹慶朱友謙賜姓名李繼麟

康延孝賜姓名李紹琛霍彥威賜姓名李紹真溫韜賜

姓名李紹冲萇從簡賜姓名李紹瓊房知溫賜姓名李

紹英米君立賜姓名李紹能優人楊婆兒賜姓名李存

儒宦者馬紹宏賜姓李後明宗時皆復本姓惟杜晏球復姓王氏以杜亦係所養姓也

契丹耶律倍來歸明宗賜姓東丹名慕華後改賜姓李名

贊華 倍在遼稱讓國皇帝

南唐郭紹古賜姓李氏

宋初李繼俸賜姓名趙保忠李繼遷賜姓名趙保吉

真宗立劉氏為皇后以其無宗族少依龔美家改美姓劉為兄弟

神宗時授木征榮州團練使賜姓名趙思忠

番部俞龍琦率其屬來降自言平生聞包待制為朝廷忠臣乞賜姓包氏從之復賜名順

河隍羌酋龍撥出降遂定隍鄯詔賜龍撥姓名曰趙懷德

西番巴檀角內附賜姓趙氏

宇文虛中初降于金後謀劫二帝歸宋不克而死開禧中賜其後姓趙氏

遼韓德讓賜姓耶律氏

道宗時漢人行營都部署李仲僖北院宣徽使劉霖樞密副使王觀都承旨楊興工各賜國姓耶律氏李儼亦賜

姓耶律氏

金郭藥師董才俱賜姓完顏氏

完顏元宜本姓耶律氏父慎思以遼人降金賜國姓海陵時詔凡賜姓者皆復舊元宜復姓耶律後弒海陵歸世

續文獻通考 卷之三百三
宗復賜姓完顏或言弒君者不宜尊寵乃令其子習涅
阿補仍姓耶律

宣宗貞祐中追賜仁聖皇后父王彥昌姓溫敦氏王皇后
為溫敦皇后又賜東永昌姓亦為溫敦氏包世顯包屹
疸為烏古論氏覲令狐為和速嘉氏何定為必蘭氏馬
福德馬栢壽為夾谷氏

宣宗以王狗兒殺僞統制董九賜姓完顏氏

完顏仲元本姓郭氏大安中李雄募兵仲元與完顏阿鄰
俱應募官至節度使賜姓完顏氏

金制賜國姓者凡以千人敗敵三千者賜及總麻以上
敗二千人以上者賜及大功以上敗千人以上賜止其

身阿鄰既賜姓以兄守楫及從父兄弟為請從之仲元
乃上奏曰臣頃在軍旅纔立微功過蒙天恩賜之國姓
非臣殺身所能仰報族兄徐州譏察副使僧喜前汾州
酒同監三喜前解州鹽管勾添章守興平縣監酒添福
猶姓郭氏念臣與僧喜等昔同一家今為兩族完顏阿
鄰與臣同功皇恩所加井及本族僧喜等四人乞依此
例不許

完顏霆本姓李氏貞祐時以功賜國姓

烏魯古長壽本姓包氏泰和時以功賜姓

梁佐李鹵住貞祐時皆以功賜姓完顏氏

張甫張造元光時皆以功賜姓完顏氏

張資祿興定中以功賜姓女奚氏後死節

楊沃衍以功賜姓兀林荅氏後死節

郭蝦蟆以功賜姓頽蓋氏後死節

蘭州汪三郎內附賜姓完顏

西京都統程琢有功詔賜琢姓夾谷氏琢請曰前代皆賜

國姓不繫他族如蒙更賜榮莫大焉詔更賜完顏氏

蒙古國用安降于金賜姓完顏氏

金史臣曰古者天子胙土命氏漢以來乃有賜姓宣宗

假以賞一時之功郭仲元郭阿隣以功皆賜國姓女奚

烈資祿烏古論長壽皆封疆之臣而賜以他姓貞祐以

來賜姓有格夫以名使人用之貴則貴用之賤則賤使

人計功而得國姓則以其貴者反賤矣

元李恒其先于論氏唐末賜姓李世為西夏

察罕本姓烏密氏元太祖賜姓蒙古又察罕西域紇城人

生時月白如晝國人謂白為察罕故名察罕後仁宗與

論帝王賜姓命氏之事因賜姓白氏

賀惟一順帝賜姓蒙古氏名太平至正六年拜御史大夫

故事臺端非國姓不以授太平固辭詔特賜姓

至正二十五年立次皇后竒氏為皇后改竒氏為蕭良舍

氏

以上皆因恩賜而改

漢淮南王英布少時以罪被黥遂為黥氏

東漢明德馬皇后以馬何羅謀逆惡其同姓改為莽氏
吳孫皓以孫秀奔魏改為厲氏

宋孝武帝以竟陵王誕反于廣陵改其姓留氏
齊武帝以巴東王子響叛逆改為蛸氏

梁武帝以豫章王綜叛降于魏改為孛氏又賜武陵王為
饗養氏又二兄嘗挾妻族欲害武帝母氏言之武帝曰
不愛其親而愛他人者為悖德吾他日即位當賜姓悖
氏後如其言

隋煬帝誅楊玄感改為梟氏

唐武氏立為后改皇后王氏姓為蟒良娣蕭氏姓為梟
乾封元年改其異母兄武惟良為蝮氏后與惟良有夙怨

也

瑯琊王冲據博州起兵誅武氏冲父豫州刺史越王貞與
兵相應兵敗改姓為虺氏韓王元嘉魯王靈夔范陽郡
王靄黃國公譔東莞郡公融及長樂公主皆改姓虺氏
紀王慎流于巴州亦改姓虺

玄宗以竇懷正附太平公主謀逆追戮其尸改為毒氏
以上皆由貶斥而改

春秋宋以武公名司空改司空為司功氏

晉以僖侯名司徒改司徒為司成氏
藉氏出安定避項藉諱改席氏

甄氏避漢元帝諱改為盛氏

荀卿漢書避宣帝諱改孫卿

莊氏避漢明帝諱改為嚴氏 如嚴助嚴君平嚴光皆避諱而改者也

慶氏避安帝父諱改賀氏 宋賀萬回自號慶湖遺老不忘所始也然以湖就巳人皆笑之

師氏避晉景帝諱改帥氏

姬氏避唐明皇諱改周氏 又侯景以其祖名翊周乃改周石珍周弘正等皆為姬姓

弘氏避唐明皇諱改洪氏又有改李氏者李含光是也

邴氏避唐高祖父諱改李氏

淳于氏避唐顯宗諱改于氏

啖氏避唐武宗諱改澹氏

閩人沈氏避閩王審知諱去水為尤

宋初匡氏避太祖諱改為圭氏政和中詔民間不得以圭

云稱氏復改為康

陶穀本姓唐避晉祖諱改為陶

湯悅本姓殷名崇義仕南唐為宰相建隆初歸宋避宣祖

廟諱改姓湯名悅

文潞公彥博本姓敬其曾大父避石敬瑭諱更姓文至漢

復姓敬入宋避翼祖諱又復姓文

敬字有去文而為苟者所避諱與文氏同

商氏本姓殷避宣祖諱改商

恒氏避宋真宗諱改為常氏

洪擬本姓弘其先避南唐主諱改姓洪後復避宣祖廟諱

遂因之 又孝義傳云洪文撫建昌人本姓弘避宣祖

廟諱改焉文撫擬恐是一家也

桓氏避欽宗諱改為巨氏紹興時詔

勾氏自建炎以來避高宗嫌名更易各不同有易其姓字

者紹興進士勾聲是也有更其音者史館修撰勾濤是

也加金者鈞光祖是也加絲者約紡是也加草者芍諶

是也增為勾龍者如淵是也改為句者句思是也累世

之後不復別矣

直德秀本姓慎避孝廟諱改真

金宗端修字平叔汝州人避睿宗諱上一字改宗氏為姬

氏凡太宗諸子皆加山為崇

元金履祥其先本姓劉氏吳越時避錢鏐嫌名乃更為金

曹氏以上皆由避諱而改

少康後因母有緡氏逃難自竇改為竇氏

比干之子避紂難逃于長林為林氏

理微避紂難改李氏

端木賜之後因避難改木氏又改沐氏

默台之後因避難改墨氏又改怡氏後周遼西人有怡

伍子胥之後改五氏又在傳曰伍子胥諫吳王不聽使

范睢自魏入秦變姓名為張祿

齊田氏避始皇誅去田之左右為王氏或改法氏因祖有

章也

章也

張良本姬姓因始皇索之急改張氏

廣曾孫孟達避王莽亂去足為東一云曾孫彥改太傅

氏因避亂改為末

氏田恢避王莽亂改媯氏五代孫敷復為姚氏

後漢孔潛避亂居新安山中易姓新氏

杞匡避董卓難改杞氏

吳橫被誅四子慮禍將及乃各居一方守墳墓者為吳居

徐者為春居幽者為桂居華陰者為快此四姓同一吳

也

曹魏張遼本聶壹之後以避怨改為張

棗據父本姓棘以避難改為棗

晉孫惠恐為齊王頴所誅改姓名以遁又詭稱南嶽逸士

秦秘之以干東海王越乃得顯用

牛金之子避難改為牢又改為寮後復為牛氏

慕容氏破種類懼誅不敢復姓皆以興為氏

梁衡山王典籤陳寶印苛刻懼誅投湘東王改姓名為袁

逢恭

元魏楊愔避爾朱榮之難變姓名為劉士安後為北齊賢

相

後周赫連達曾祖庫多汗因避難改姓杜氏

庫狄峙本段匹磾之後因避難改姓庫狄氏

隋牛弘之祖以避難改姓遼氏後父元為魏侍中復姓牛

氏

唐劉祥道之孫昇幼被武氏禍全家流嶺表後易姓温逃

匿北歸

權畢於末王璘反時詭託姓名免其驅脅

成汭殺人被捕更姓名為郭禹以避難後為節度使復舊

姓名

南唐舒元與楊訥從李守貞叛守貞敗懼誅元易姓朱訥

變姓名為李平俱留江南後元入宋復姓申

宋宋汝為因秦檜惡之將械送金人以肆其毒乃變姓名

為趙復徒步入蜀檜死方出

謝枋得以國亡變姓名賣卜於市

何時字了翁樂安人以國亡變姓名號堅白道人賣卜自

給

宋時交趾國王李乾順有側室于奔大理變姓名為趙智

之自稱平王後與天祚爭立

遼述律氏因國亡改姓石秣氏

元王恂本姓述律氏祖成從母氏避難遼西因改王氏

潘元紹本姓趙廷美之後因避難改潘氏

吏部侍郎伯顏子中本西域人後家江西由吏部出使廣

東未幾廣失守子中求死不得因變姓遊江湖間卒飲

鴆死

竹晏避仇改姓竺氏

仲氏之後改為种

鞠氏之後改為翹

譚氏之後改為覃

仇氏之後改為求

銅鞮氏之後改為適

秘邗氏之後改為邗

滕氏之後改為騰

陸氏之後改為禱

郃氏之後改為浩

槩氏之後改為既

胙氏之後改為作

彤氏之後改為彤

樓氏之後改為蓋

薛氏之後改為孽

刁氏之後改為刃

景氏之後改為翠

凡氏之後改為汎

共氏之後改為洪

圈氏去口改為卷氏

章氏改為仇章氏

以上皆因避難而改

戰國楚黃歇取李園之妹為姬已娠而進於王生子為芊

氏代有楚國

秦呂不韋取邯鄲女為姬已娠進于秦太子生始皇代有

秦國故曰秦以呂易嬴

漢夏侯嬰為滕令號滕公及曾孫頗尚公主主隨外家姓

號孫公主故滕公子孫為孫氏

灌夫本姓張父張孟為灌嬰舍人遂姓灌

衛青父鄭季以私通衛媼生青因姓衛

胡廣本姓黃以五月五日生父母棄之有胡公收養焉因

姓胡

衛繼業字漢嘉嚴道人父為縣功曹縣長張君無子乞為

巴子遂姓張後進仕州郡通顯時禁以異姓為後乃復姓衛氏

賈武孫輔得胡騰認為子而聘娶焉後劉表舉孝廉使復姓

蜀漢馬忠少養外家姓狐名篤後乃復姓改名忠

曹操本姓夏侯氏父為曹騰養子遂姓曹

劉封本姓寇劉玄德養為子因姓劉

關平為關羽養子非本姓也

曹魏張燕本姓褚繼張牛角為帥而統其軍故姓張

陳魯相無子以甥劉矯為後因改劉為陳

吳朱然本姓施氏朱治娣子治未有子養然為嗣

晉恭王妃夏侯氏通小吏牛金生元帝故曰晉以牛易馬

賈充無子以外孫韓謚為後因氏賈

後趙冉閔為內黃石氏養子因姓石

後燕慕容雲本姓高為慕容寶養子因姓慕容氏

宋廢帝劉昱本姓李初明帝以妾與李道兒既姪復取以

歸遂生昱

陳宣武章后本姓鈕父景明養于章氏因姓章

周文育本姓項周蒼養為子因姓周

元魏高崇字積善渤海人母沮渠牧捷女封武威公主牧

捷子坐事誅公主痛本生絕嗣遂以崇繼牧捷後改氏

沮渠

宦者仇洛齊本姓侯生而無陽母舅養為子因姓仇

北齊高隆之始為奄人徐成養子或云父幹為姑壻高氏

所養因冒其姓後神武引以為弟

獨孤來業本姓劉幼隨母改適獨孤氏為其養子遂姓獨

孤

穆提婆本姓駱穆昭儀養為已女因姓穆

後周宇文述本姓破野頭其主侯豆得賜宇文而冒其姓

隋王世充本西域胡人姓支氏父卒幼從母嫁王氏因冒

其姓

唐呂羅真為回紇養子因姓萬羅氏

安祿山本姓康隨母嫁安氏冒姓安

高力士本姓馮中人高延福養為子因姓高

元載父昇本姓景因曹王明妃元氏賜田在扶風昇土其

租因請于妃冒為元氏

嚴叔明少育外家冒姓鮮于後復本姓代宗又賜姓李

鄭注本姓魚冒姓鄭人稱魚鄭又號水族

令狐綯為相有胡氏亦冒令狐人笑曰自從元老登庸後

天下諸狐盡帶鈴

楊復光本姓喬內侍楊玄价養為子因姓楊

楊復恭本姓林育于楊玄价無家因姓楊

孔脩少冒姓朱又冒姓趙

張承業本姓康為奄人張泰養子因姓張

安思敬為李克用養子改姓名李存孝後以叛誅

王鎔本回紇遺種為王武俊養子因姓王

王殷勿本姓蔣為王重殷養子因姓王

後梁王都本姓劉中山陘邑人也李應之得于村落間養

為巴子後復為定州帥王處直之子因姓王

後唐明宗本姓魏信烈氏李克用養為子後繼莊宗即位

時張存信孫存進王存賢張嗣昭駱嗣恩符存審皆以

養子冒姓李明宗詔皆復本姓

霍彥威字子重不知何許人梁將霍存得于村落年十四

列于廝養後養為巴子因姓霍

潞王從珂本姓二月帝養為子後即帝位

慕容彥超本漢祖同產弟養于閻氏冒姓閻黑色胡髯人

號閻崑崙後又姓慕容不知何故

後晉石敬瑭本西域人冒姓石

後漢劉知遠本沙陀人冒姓劉

周世宗本柴守禮子郭威養為子後即帝位

北漢劉承鈞乃劉旻養子繼思繼元又承鈞養子繼思本

姓薛繼元本姓何二人異父同母母即劉旻之女也

王宗佶本姓甘氏王建為忠武軍卒時掠得之養以為子

因姓王

南唐徐知誥本姓李為徐溫養子因姓徐後復姓名李昇

趙延壽本姓劉為趙德鈞養子遂姓趙

李元亮本姓安駱奉先子之遂姓駱

符守信本姓郎總管符翁子之遂姓符

宋石熙道本姓牛隨母歸石氏因姓石其弟熙正以異姓

居已上奏復其姓

范仲淹幼隨母改適朱氏名朱祿後復姓其表曰名非霸

越泛湖自號為陶朱志豈強秦入境遽名為張祿二人

范氏改姓而朱祿適其名也

申積中成都人政和中為楊繪養子因姓楊氏後登進士

所養父母喪葬畢又為二弟一妹婚娶復姓申氏

寧宗后楊氏少以姿容選入宮忘其姓氏或謂會稽有楊

次山者后自謂其兄乃姓楊氏

江萬里無子以蜀人王橐子錡為後遂姓江氏後與萬里

同死國難

魏了翁本姓高養于姑魏氏因姓魏其同產高稼高定子

俱進士

元詹士龍固始人三歲時為董文炳養子既長求復姓文

炳戲曰爾欲復姓投石不沉則從爾士龍祝天投石沉

而復浮者數四文炳遂許之

虎都鉄木祿好讀書仁宗字之曰漢卿謂漢名卿不讓也

其母姓劉氏故人又稱為劉漢卿

章卿孫蜀人本姓劉氏幼為章提刑養子遂姓章以孝行

聞

劉秉忠幼從釋氏名子聰世祖時同議樞密院事復姓劉
名秉忠

以上皆因私冒而改

漢訾順本姓祭以為不祥改訾氏

馬矢氏改馬官

馬官止稱馬

是儀本姓氏孔融朝氏字民無上遂改為是

謝服為鴻臚卿出征嫌其姓名不祥乃改為射咸

晉元達字長宏本姓喬以其生日妨父改為陳

嵇康本奚氏康改為嵇

北齊婁太后疾用巫言改為石

五代袁愉本袁姓仕南唐改姓袁

危全諷錢鏐惡其姓改元氏元給其裔也

以上皆以嫌改

子產稱鄉校為師其子孫改校師氏

中行穆子相晉侯投壺而生子因以為投壺氏

東方朔因東方明而生改張氏為東方氏

范蠡居于陶為陶朱氏

梁鴻改運期氏

京房吹律得姓改李為京

張象因祖封折侯改折氏

劉凝之慕伍員忠烈改員氏

晉黃初平既得仙術以方教授南伯逢易姓為赤遂自號

赤松子

慕容本鮮卑種至涉歸慕二儀之德繼三光之容因姓慕容氏

蒲洪家蒲長五丈五節如竹時人稱蒲家因為氏後以識文章付應王改姓苻氏

佛圖澄本姓帛氏以師莫過于佛遂以釋為姓

赫連氏本匈奴種後居中國以王者繫天為子改姓赫連

庶協皇天之意其非正統者皆氏鉄伐欲其剛銳如鉄

能伐人

康居王姓温丹氏失昭武城南依葱嶺其裔皆姓昭武不忘本也

魏全瓌孫暉食封白水改姓泉氏

屈全之裔孫仕後魏以出自南方改南屈氏

隋陳永貴本姓白封北陳郡公遂姓陳氏

武鄉女子焦氏既龔又啞嫁不售樵於野為人犯生一男

六歲莫知其姓高構曰母不能言窮竟理絕生于武鄉

可姓武

唐陸羽不知所姓筮易得漸之蹇曰鴻漸于陸其羽可用

為儀遂姓陸名羽字鴻漸

此非改姓之列實不因舊姓者也故附于此

金張浩本姓高東明王之後曾祖霸仕遼而為張氏

馬慶祥本名習禮吉思先世自西域入居臨兆狄道以馬

為氏

元布魯海牙拜燕使子希憲適生喜曰吾聞古以官為姓
天其以燕為吾宗之姓乎故子孫皆姓燕氏

元月乃合魯祖帖木爾越哥仕金為馬步軍指揮官名有
馬因以馬為氏一云馬祖常之高祖名錫里吉思金季

為鳳翔兵馬判官子孫因其官以馬為氏
小雲石海涯以父名貫遂以貫為姓

諳都刺以祖名蘭遂以蘭為姓

唐仁祖因其祖名唐古直子孫遂以唐為氏

以上皆有因而改

杜氏為徐 袁氏為衡 求氏為裘 辛氏為計

景氏為元 賁氏為封 姑氏為羊 羊舌為吉

是光為齊 魏馮孚改李 晉虞慶則本姓魚改為虞

梁周文育本姓項改為周

以上不知所因

陳氏為田 韓氏為何 黨氏為掌 歐氏為區

戴氏為載 蠻氏為瞞 號氏為郭 呂氏為甫

郊氏為談 妘氏為似 若氏為庫 雷氏為盧

恭氏為共 共氏為洪 裴氏為壘 閻氏為盧

王孫賈之後為古孫氏以賈近於古也

苦成子以成子食苦邑故以為氏後訛為古成又為庫成

慕容氏為慕輿 賀遂氏為賀悅 夫餘氏為臯史

吾丘氏為虞丘 毋丘氏為曼丘 申徒氏為申屠

申屠氏為信都

瞻葛氏為諸葛

步搖氏為慕容

鄧氏為繒

穆氏為繆

耿氏為簡簡

莘氏為辛

北齊時有破六韓常其始以祖潘六奚名為氏後人訛誤

以潘六為破六

北齊綦連猛其先姬姓六國末避亂保祁連山因以為姓

後復訛為其連

元趙良弼本姓木要甲音訛為趙家因姓趙趙世延亦同

此

有因二音而訛者員音一運俞反一敕救反葉本音攝今

從正音呼矣甄本音堅宣和時唱進士名以堅呼之不

應訛為甄陶之甄矣

又黃帝時有伶倫後伶姓者訛而為冷班固本姓班後訛

而為班楊雄本姓楊後皆訛為楊

以上皆因訛而改

鄆為章

邠為丙

邾為來

鄆為專

邠為尋

邵為召

邠為后

鄆為會

邠為禹

邠為云

鄆為曾

邠為兒

邠為朱

邠為成

邠為旬

數姓皆

姑為吉去女

幕為莫去巾

橋為喬去木

理為里去邑

譚為覃去言

熊為能去火

盧蒲為蒲

閭丘為閭

即墨為即

鍾離為鍾

馬服為馬

褚師為褚

母丘為母 司寇為寇 宗伯為宗 褐冠為冠
主父為主 須句為須 須句為句 段干為段
渾沌為屯

以上皆因省文而改

賀樓為樓 賀葛為葛 是婁為高 叱盧為祝
和稽為綏 去斤為艾 是賁為封 叱奴為郎
吐難為山 古引為侯 出連為畢 乞扶為扶
一那萋為萋 是連為連 俟奴為俟 可單為單
紇骨為骨 沓盧為沓 大莫干為部 屈突為屈
俟亥為亥 俟畿為畿 賀兒為兒 叱利為利
叱李為李 柯拔為柯 莫那婁為莫 叱羅為羅

莫輿為輿 費連為費 費羽為羽 黜弗為弗
莫盧為盧 介綿為綿 解批為解 奇斤為奇
統萬為萬 統稽為稽 安遲為安 輾遲為展
秘邗為邗 如羅為如 吐奚為古 若干為苟
副呂為副 那婁為婁 綦連為綦 咎盧為咎
姒先為姒 渴侯為紙 烏蘭為蘭 薄奚為奚
素和為和 拔畧為蘇 紇干為干 乙弗為乙
渴侯為緱 渴侯為似 丘林為林 屋引為房
隋時房兆本姓屋引 車焜為車 牒云為云 素黎為黎
達勃為衰 普乃為周 隋時周推本姓普乃 高護為李
叱干為薛 達奚為奚 茂眷為茂又為眷

莫蘆為蘆或為盧

丘林為林又為丘丘敦亦為丘

直勒為謝考徵改

尉遲為楊隋時楊義臣本姓尉遲

鉗耳為王

副呂為副又為呂叱丘亦為呂

就賴為就菟賴亦為就 温狐為温温盆亦為温

阿伏為阿阿賀亦為阿 紇單為紇紇奚亦為紇

羽真為高楚婁亦為高 是云為是是奴亦為是

盖婁為盖疋婁亦為盖 費羽為羽拂羽亦為羽

俟力為鮑俟力代亦為鮑 烏丸為桓阿鹿桓亦為桓

可地為延可地延亦為延 俟奴為俟俟伏斤亦為俟

黜弗為弗燕弗亦為弗鐵弗亦為弗

吐門為門叱門亦為門庫門亦為門

拓拔為元紇骨亦為元是云亦為元景氏亦為元

阿單為單渴單亦為單 悉雲為雲宥連亦為雲

賀蘭為賀賴氏亦為賀

吐谷渾為渾 俟呂隣為呂 步六孤為陸

丘穆陵為穆 阿伏干為阿 普陋茹為茹

拔列蘭為梁 烏落蘭為蘭 宿六斤為宿

庫若干為干 扈地干為扈 俟伏斤為斤

他駱拔為駱 郁覩甄為甄 若口引為冠

破多羅為潘 破落那為那 步鹿如為鹿

阿史那為史 沿路真為路 磻歷辰為辰

紇突隣為隣

骨咄祿為祿

大利稽為部

俟力伐為鮑

大洛稽為稽

俟伏斤為伏

壹斗眷為明

步鹿根為步

獨孤渾為杜

樹洛于為樹

庫樛官為庫

奚什盧為盧

莫胡盧為楊

渴燭渾為朱

於古論為劉

元劉國傑本姓

於古論後入中州改姓劉氏

盟石蘭為石

以上皆變夷而改

按代北之人隨後魏遷河南者獻帝為之定姓為複姓或為三字姓或為四字姓其音多似西域羌書有二合三合四合者皆指一字之義故孝文用夏變夷改為單字之姓又孝文詔南遷者死不得還即葬洛陽故虜姓

皆在河南又按其書曰河南官氏志者蓋由代北之人

隨後魏南遷因作其書而為之志又按孝文之時咸改

單姓惟賀若氏不改及乙旃氏改為叔孫拔枝氏改為

長孫

閻慶為大野氏

辛威為普屯氏

李弼為徒何氏

田弘為紇干氏

王雄為可頻氏

王罷為拓王氏

韓裒為侯呂隣氏

蔡氏為大利稽氏

陰氏為丘目陵氏

周氏為車非氏

南氏為宇文氏

侯氏為侯伏氏又為賀屯氏

多見恩賜類

以上皆變於夷而改

按後周宇文氏起于夷虜故欲變夏為夷以夷為貴也

然官制一遵三代而姓氏仍用夷虜何所見之背馳哉
元魏官氏志附錄以備參考

獻帝七族

長兄為紇骨氏後改胡氏 次兄為普氏後改周氏

次兄為拓拔氏後改長孫氏 弟為達奚氏後改奚氏

次弟為伊婁氏後改伊氏 次弟為丘敦氏後改丘氏

次弟為侯氏後改亥氏 以上為七族與姓源所載微不同 又命叔父之

胤曰乙旃氏後改叔孫氏疏屬曰車焜氏後改車氏

已上與帝室為十姓百世不通婚太和以前國之喪葬

禮非十族不得與高祖車之各以其職司從事

神元時各部諸姓內入者 多見變夷中

丘穆陵氏後改穆氏

步六孤氏後改陸氏

賀賴改賀氏

獨孤改劉氏

賀樓改樓氏

勿忸于改于氏

是連改連氏

僕闌改僕氏

若干改荀氏

拔烈改梁氏

撥略改略氏

叱羅改羅氏

普陋茹改茹氏

若口引改寇氏

賀葛改葛氏

是貴改封氏

阿伏干改阿氏

可地延改延氏

阿鹿桓改鹿氏

他駱拔改駱氏

薄奚改薄氏

烏丸改桓氏

素和改和氏

吐谷渾依舊

賀若氏依舊

胡吉口引改侯氏

谷渾改渾氏

匹婁改婁氏

侯力伐改鮑氏

吐伏盧改盧氏

牒云改云氏

是云改是氏

叱利改利氏

副呂改副氏

那氏依舊

如羅改如氏

乞扶改扶氏

阿單改單氏

侯幾改幾氏

賀兒改兒氏

吐奚改古氏

出連改畢氏

庚氏依舊

賀拔改何氏

叱呂改呂氏

莫那婁改莫氏

奚斗盧改索盧氏

莫蘆改蘆氏

出大汗改韓氏

沒路直改路氏

扈地于改扈氏

莫輿改輿氏

紇干改干氏

紇伏斤改伏氏

是婁改高氏

尸突改屈氏

沓盧改沓氏

嗚石蘭改石氏

解批改解氏

奇斤改奇氏

須卜改卜氏

丘林改林氏

大莫干改郤氏

介綿改綿氏

蓋樓改蓋氏

素黎改黎氏

渴單改單氏

壹斗眷改明氏

叱門改門氏

宿六斤改宿氏

秘邗改邗氏

土難改山氏

屋引改房氏

樹洛于改樹氏

乙弗改乙氏

東方宇文慕容氏即宣帝時東部

南方茂眷改茂氏

宥連改雲氏

柯拔改柯氏

次南紇豆陵改竇氏

侯莫陳改陳氏

庫狄改狄氏

大洛稽改稽氏

西方尉遲改尉氏

達勃改褒氏

獨孤渾改杜氏

鹿狼改步氏

破多羅改潘氏

叱于改薛氏

侯奴改

侯氏 輾遲改展氏

費連改費氏

綦連改綦氏

去

斤改艾氏 渴侯改緱氏 叱盧改祝氏 和稽改緩氏
寃賴改就氏 嗚盆改溫氏

北方賀蘭氏改賀氏 郁都甄改甄氏 紇奚改嵇氏

越勒改越氏 叱奴改狼氏 渴燭渾改味氏 庫褥官

改庫氏 烏洛蘭改蘭氏 郝婁改婁氏 羽弗改羽氏

太和十九年詔代人諸胄先無姓族雖功賢之胤混然
未分故官達者位極公卿其功衰之親仍居猥任此欲
制定姓族事多未就且宜甄擢隨時漸銓其穆陸賀劉
樓于嵇尉八姓皆太祖已降勲著當世位盡王公灼然
可知者且下司州吏部勿充猥官一同四姓自此以外
應班士流者尋續別勅原出朔土舊爲一部落大人而

自皇始已來有三世官在給事已上及州刺史鎮大將
及品登王公者爲姓若本非大人而皇始已來職官三
世尚書已上及品登王公而中間不降官緒亦爲姓諸
部落大人之後而皇始已來官不及前列而有三世爲
中散監已上外爲太守子都品登子男者爲族若本非
大人而皇始已來三世有令已上外爲副將子都太守
品登侯已上者亦爲族凡此姓族之支親與其身有總
麻服已內微有一二世官者雖不全充美例亦入姓族
五世已外則各自計之不蒙宗人之廕也雖總麻而三
世官不至姓班有族官則入族官無族官則不入姓族
之例也凡此定姓族者皆具列由來直擬姓族以呈聞

朕當決姓族之首末其此諸狀皆須問宗族列疑明同
 然後勾其舊籍審其官宦有實則奏不得輕信其言虛
 長僥偽不實者訴人皆加傳旨問而仍詐不以實坐選
 官依職事答問不以實之條令司空公穆亮領軍將軍
 元儼中護軍廣陽王嘉尚書陸琇等詳定北人姓務令
 平均隨所了者三月一列簿帳送月下以聞於是升降
 區別矣

世宗世代人猶以姓族辭訟又使尚書學士忠王匡侍中
 穆詔尚書元長等量定之

皇明

賜諸臣姓

太祖義子數人如李曹國文忠沐西平英都督何文輝徐
 司馬及元帥文剛文遜等皆賜國姓後改本姓正

德五年義子武德一賜裴姓七年都督錢寧錢安許

國賜朱姓又賜都督朱福朱剛都指揮朱謙朱春

朱翥朱增朱斌朱政朱海朱岳朱昇朱晟朱彪朱鏞朱

鈞指揮千百戶鎮撫旗舍朱欽等百二十人姓十二年

賜舍人朱山朱準朱容朱淮朱渭朱義朱大爵朱印朱

珂姓俱錦衣衛食糧尋詔都督江彬許泰劉暉張洪

神周李琮指揮焦睿俱賜國姓又改指揮楊瑄曰璋

焦椿曰琮桂曰松張天祐曰海廷鸞曰壁馬定曰靖俱

賜國姓

賜降人姓

國朝賜忠勤伯丑驢曰李賢同安侯火里火真曰火真
 順義伯阿魯哥失里曰羅秉忠恭順伯把都帖木兒曰
 吳允誠忠勇王也先土于曰金忠安順侯脫火赤曰薛
 貴永順伯脫懽曰薛斌清平侯買驢曰吳成忠勇伯把
 台曰蔣信子也兒孛思曰蔣善恭順侯也都帖木兒曰
 吳克忠都督指揮指揮等官麻子帖木兒曰王麟完者
 帖木兒曰吳良論都兒灰曰柴秉誠把敦杭曰吳守義
 曲倫台曰夏貴北斗曰戚斌觀音保曰李觀把住曰楊
 效誠朵兒只曰馬惟良鐵柱曰柴克恭滿束兒灰曰柴
 志誠脫脫字羅曰脫順又脫脫孛羅曰和愛阿兒刺台

曰楊汝誠伯帖木兒曰柴志敬猛哥曰安汝敬脫脫曰
 楊必敬只蘭曰吳克誠朵列于曰吳存敬克羅俄領占
 曰羅秉忠火失谷曰韓以謙白斗奴曰白忠阿的納曰
 王義阿刺帖木兒曰穆義頂住驢曰丁順季百家奴曰
 季安祖住不花曰柴永謙額里孛羅曰高禮那罕赤曰
 莫清把禿曰趙忠美伯容帖木兒曰宋一誠哈刺你敦
 曰張隆善演只不花曰王懋忠撒兒桃曰劉允信釋家
 奴曰李顯忠魯卜曰張志義阿刺失曰李從善可捏曰
 郭以誠苦木帖木兒曰柴永正達冊曰安汝堅把的曰
 平以正迷南失加曰安思謙乃馬夕曰王存禮阿討刺
 曰白瑜恰恰曰陳守忠皮兒馬黑麻曰馬克順伯顏達

里曰于忠那海曰海榮五十六曰陸忠丑丑曰田義虎
三曰王彪黑漢曰陳玄伯家驢曰白毅饒五十曰姚智
歹都曰郭美牙失納曰芮剛採住兒曰朱採脫火赤曰
朱靜濬即兒曰朱滿都忽曰朱恩卜刁罕曰朱窺又編
修火你赤曰霍丘

改姓諸臣

東勝侯汪興祖初張姓 都督僉事謝彥初孫姓

右都督甯正初韋姓

黃觀初從父贅姓許幼穎敏受學元黃得得死節觀尤益砥
礪洪武二十四年會試禮部第一 廷對擢進士第一
授官翰林復黃姓累陞尚寶卿禮部右侍郎建文君改

侍中掌尚寶司事與方齊竝見信用 文皇帝索齊黃

時觀草 詔極詆斥建文四年奉 詔募兵上游且督

諸郡勤王至安慶聞變痛哭自分大事已去乃朝服東
向再拜於羅刹磯湍急處投水而死 詔籍其家

陳彥回父被誣論死彥回謫戍滇南未入滇家人多道死

比至蜀惟彥回與祖母郭存會赦又弗原監送者憐而
縱之去顧貧不能歸住依定遠知縣黃積良稱黃姓未
幾被薦為保寧府學訓導建文初薦陞徽州知府是冬
郭氏卒承重徽父老乞走京留會彥回哀經赴 闕疏
乞得復陳姓彥回恒以亡命冒宗為愧悒悒不自安屢
欲陳首輒自籌曰祖母年高即蹉跌柰何隱忍二十餘

年始得行其志靖難兵至江上彥回糾義勇勤王文
皇即位至京死之籍其家

東里楊先生世為儒家一歲而孤母改適羅公理時舉進
士為德安府同知以其家行歲時祀先祠恒命諸子陪
禮公獨不見命時尚六歲以問母母泣而語之因慟日
益感發七歲私竊磚土做作神主于外別室祀其三世
每旦入焚香謁拜出入扃鑰秘無知者既久左右覘知
以告德安公旦視先生入謁與母宜人從戶外竊窺之
見其進退拜伏皆感泣遂復姓

少保楊溥初吳姓 右都御史熊槩初胡姓 右副都御
史陳泰初曹姓 太常卿夏景初朱姓 工部尚書趙榮

初王姓 南戶部尚書潘蕃初鍾姓 副都御史丘鼎初

周姓 尚書孟鳳左行政孟麟初臧姓 兵部尚書張經

初蔡姓 天順庚辰狀元王一夔奏復謝姓 天順甲申

會元吳鉞奏復陸姓 天順間章尚書恭懿倫身歿後子

孫奏復吳姓 正德中魏太常文簡校身歿後子孫奏復

李姓 嘉隆間御史沈鐸初邵姓 少傅大學士呂本初

李姓 左布政汪尚寧初程姓 禮部尚書陸樹聲順天

府丞陸樹德初林姓 侍講邢一鳳初林姓 大學士申

時行初徐姓 都御史王一鶚初楊姓 大理評事王大

學初孫姓 都御史廖逢節初楊姓 按察副使馬顧澤

初顧姓 御史房寰初姚姓 按察副使景承芳初王姓

賜諸臣名字

高皇帝時靖江王鐵柱 賜名熾再 賜名守謙鄧衛公

友德 賜名愈李曹公保兒 賜名文忠楊左承暉

賜名憲陳御史大夫亮 賜名寧江陰吳侯初為指揮

名國興 賜名良魏國公徐允恭既嗣爵 賜名輝祖

及諸弟增壽添福膺緒皆 賜名又 賜署令汪文名

蹇忠定初名瑤 帝親書義字 賜之齊尚書初名德

賜名泰鐵尚書以都督斷事奏對稱 旨 上為字

之曰鼎石胡文穆初名廣 建文君易之曰靖後 文

皇命仍故名 永樂時楊文敏子榮入閣 上為改之

曰榮故魏國公徐輝祖子迦保襲爵特 賜名欽李狀

元初名馬開榜 上親書其字於旁遂名騏河南護衛

軍俺丁三發周王反謀陞錦衣衛指揮僉事賜姓名趙

城 洪熙元年 賜魏國公徐長孫名顯宗夏太常祀

既第入中秘 宣廟一日視其名曰日可從旁乎改置

上曰景王毅愍初名強改 賜曰文沐黔公初名儼改

賜曰斌成化中改布政使胡德勝名曰德盛會昌侯

孫鎮以名犯 英廟諱 上為改曰銘 世宗朝少傅

張文忠璉以嫌名請 上為改曰孚敬仍 賜字曰茂

恭恭誠伯陶仲文 上為字曰載道 賜號曰林隱又

曰凌虛子

先代

姓名相同

兩曾參有與曾子同姓名者而殺人人告曾子之母母曰吾子不殺人織自若有頃焉人又曰曾參殺人其母尚織自若也頃之又一人告之曰曾參殺人其母懼投杼踰垣而走

兩毛遂野人毛遂墜井而死客以告平原君平原君曰嗟乎天喪予矣既而知非平原客

兩子夏杜欽字子夏少好經書家富而目偏盲茂陵杜鄴與欽同姓字俱以才能稱京師故衣冠謂欽為盲子夏以相別欽惡以疾見詆廼為小冠高廣纔二寸由是京師更謂欽為小冠杜子夏而鄴為大冠杜子夏云

兩孟公陳遵字孟公時列侯有與遵同姓字者每至人問曰孟公坐中莫不震動既至而非因號其人曰陳鵠坐云

兩韓翊唐德宗時制誥闕人上批曰與韓翊時有與翊同姓名者為江淮刺史又具二人同進上復批曰春城無處不飛花寒食東風御柳斜與此韓翊

兩李益李益時又有太子庶子李益同在朝故此言文章李益以辨云

皇明

姓名相同

兩郭子興高皇帝舊帥滁陽王

三王真 一洪武都督僉事追封臨沂侯一永樂金鄉侯追封寧國公復有都督同知為遼東總兵

五張信 一洪武狀元侍讀一孝子尚寶卿一永樂隆平侯一宣德兵部左侍郎一弘治彭城伯

三吳良 一洪武江陰侯一正統都督同知

三李敏 一洪武工部尚書一景泰戶部尚書一成化戶部尚書

三李浩 一洪武刑部侍郎一景泰南工部右侍郎一成化禮部尚書

三張鳳 一洪武行人中書省參政一天順戶部尚書一正德右副都御史

兩朱榮 一洪武一永樂俱都督 兩李素 一洪武御史中丞一洪熙副都御史

兩黃琛 一洪武駙馬都尉中都正留守一成化南京戶部右侍郎

兩吳禎 一洪武靖海侯一成化都御史 兩劉寧 一洪武一成化俱都督

兩石璞 一洪武右侍郎一景泰時太子太保兵部尚書

兩陳文 一洪武都督僉事東海孝勇侯一成化大學士莊靖公

兩李泰 一洪武戶部尚書一成化詹事府詹事兼學士

兩陳清 一洪武都督封合浦侯一弘治南京戶部尚書

兩呂本 一洪武吏部尚書建文外大父文太子妃父也一即李本改姓 懿

三李賢 一永樂忠勤伯一宣德豐城侯一成化少保大學士

三王佐 一永樂順昌伯一正統戶部尚書一正德南京戶部尚書

兩金忠 一俱永樂一兵部尚書贈少師一太保封忠勇王

兩陳亨 一俱永樂一右都督追封涇國公一左都督追封成武公

兩張興 一俱永樂靖難功臣一都督僉事一安鄉侯

兩蔣驥 一永樂禮部侍郎 兩吳江 一永樂總兵一弘治總兵

兩陳壽 一永樂工部左侍郎贈尚書一正德南刑部尚書

兩李英 一俱宣德一達官會 兩陳智 一宣德榮昌伯一寧伯一都督同知 正統右都御史

兩劉昭 宣德都督一太子賓客兵部尚書 兩劉連 宣德戶部左侍郎 一保工部尚書 一正德戶部尚書 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩張本 宣德太子賓客兵部尚書 兩張昇 正統一彭城伯 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩顧佐 宣德戶部尚書 兩張景 正統一彭城伯 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩張瑾 正統彭城伯 兩宋傑 景泰一西寧侯 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩劉清 景泰刑部侍郎 兩王通 景泰都督同知 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩韓福 景泰左副都御史 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩李崇 景泰刑部左侍郎 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩趙榮 天順一忻城伯 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩陸鈇 俱榜眼一天順甲申一正 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩李文 俱成化一高陽 兩李震 俱成化一興寧伯 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩吳琮 俱成化一襲廣義 兩王信 俱成化俱 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩張鵬 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩吳節 俱成化一太常寺卿兼翰林院侍 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩馬昂 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩李和 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩李瑾 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩李本 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

四張泰 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

三張璜 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

三白玉 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩韓文 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩張璜 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩張璜 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩張璜 俱成化一太子少保 一弘治都察院右副都御史 一宣德戶部尚書 一正德戶部尚書 一弘治都察院右副都御史 一宣德戶部尚書 一正德戶部尚書 一弘治都察院右副都御史

兩徐溥 俱弘治一水康侯

兩王道 一弘治右副都御史 一嘉靖吏部右侍郎

兩王憲 一正德襲封靖遠伯 一嘉靖太子太保兵部尚書

兩張縉 一正德南戶部尚書 一嘉靖都察院都御史

兩彭澤 俱嘉靖一少保兵部尚書 一太常卿 兩陳儒 俱嘉靖一泰寧侯 一都御史

兩胡松 俱嘉靖一工部尚書 一吏部尚書 兩張岳 俱嘉靖一萬曆一都御史

兩孫應奎 俱嘉靖一戶部尚書 一都御史 兩吳山 俱嘉靖一刑部尚書 一禮部尚書

兩趙錦 一嘉靖 一萬曆南吏部尚書 一太子少保兵部尚書

兩李春芳 俱嘉靖 一丁未 廷試第一 太傅吏部尚書 一癸丑進士 吏科給事中

三李際春 一嘉靖通政司通政 一隆慶一萬曆初任知縣

兩陳瓚 俱隆慶二年 一左都御史 一太常少卿

續文獻通考卷之三百三終

續文獻通考卷之二百十三

皇明進士雲間王圻纂輯

氏族考

氏族故事

生而有文 后稷之孫生而有文在手曰鞠因以為氏

盤庚妃姜氏夢龍入懷孕十二月而生手把南字長封

荊州號南赤龍 出姓源韻譜

周文王曹夫人姜氏見赤龍交而孕十二月生子手把

薛氏因氏為薛 出薛氏血脉譜

周昭王少子生而有文在其手曰閻康王封于閻城 出

唐表

周昭王夫人生子左手有公文右手有羽文乃賜姓翁出世說

周平王少子生而有文在手曰武遂以為氏出元和姓纂

子他之子曰文生而有文在手左曰魚右曰羊及長封漁陽姓鮮于氏為燕附庸出鮮于血脉譜

按左氏謂季友生而有文在其手曰友因以命之每疑其誕後人由此復廣其說似又有可信者存之

熟於譜學 晉太原中散騎常侍河東賈弼譔姓氏簿狀十八州百六十郡合七百一十二篇士庶無遺宋王洪

劉湛好其書洪曰對千客不犯一人諱

唐李守素為倉曹參軍通姓氏學號肉譜虞世南與論

人物嘆曰肉譜定可畏許敬宗曰此名豈雅目耶世南曰昔任彥昇通經時稱五經笥今以倉曹為人物志可乎

爭族高下 晉王導與諸葛恢戲爭氏族王曰人言王葛不言葛王何也恢曰人言驢馬豈驢勝馬乎

隋麥鐵杖始為盜賊後為大將軍竇威問其宗何所本鐵杖曰與卿同宗人不曰豈麥豈麥乎威大慚

比齊李繪與梁人泛言氏族袁狎曰未若我本出自黃帝姓在十四之限繪曰兄所出雖遠當近車千秋分一字耳一坐皆笑

唐有姓崔者自矜氏族鄙林氏為下林慍折之曰崔子

弑齊君林放問禮之本優劣如何其人俯首不能對
爭譖去取 唐孔至明世族學撰百家類例以張說等爲
近世新族刪去之說子均方有寵怒曰天下族姓何預
若事而妄紛紛耶

自表家世 晉杜坦因文帝稱金日磾進言曰日磾若生
今世牧馬不暇安得顯用文帝曰卿何量朕之薄也坦
曰且以臣言之臣本中州鉅族特以渡江差後遂以儉
荒見隔以此而觀日磾安得不牧馬帝悅遷爲侍中
謝康樂常自稱太傅安石爲宗袞

不尚家世 袁誼爲蘇州刺史司馬張沛嘗自誼曰州得
一長史隴西李亶天下甲門也誼曰夫門戶者歷世名

節爲天下所高老夫是也山東人尚婚媾求祿利耳至
見危授命則無人焉何足尚耶沛大慙

元魏官人專尚世族李冲曰傳說呂望豈可以門地得
之李彪曰魯之三卿何如四科官人豈論世也韓顯宗
曰陛下豈可以貴襲貴以賤襲賤皆不聽

以姻取咎 晉王氏有與滿奮之族爲婚者人笑曰王滿
爲婚誠所未見譏其不稱也

梁時劉整稱富人之財嫁女于卑族爲任彥升所劾
侯景降梁求與王謝爲婚武帝曰王謝非偶可于朱張
下求之後景反入臺城取帝女溧陽公主室之

異派同根 隋末李密與唐高祖書曰與兄派流雖異根

系本同

妄附籍譜 唐中宗時有巫趙氏挾鬼道出入禁掖趙彥昭以姑事之得遷中書侍郎同平章事

李義甫既貴言必出趙郡與諸李叙昭穆嗜進者徃往尊爲父兄給事中李崇引與同譜及義甫貶斥亟削去羅威賦詠甚有情致錢塘人羅隱有詩名威遣使賂遺自叙宗姪呼爲叔父

張九齡爲相時張說親重之與通譜系韋嗣立與韋后踈屬中宗特詔附屬籍

唐有上人姓方好矜門地但姓方貴人必認爲親戚或戲之曰豐邑方相何親遽曰再從伯氏戲者笑曰既是

方相姪止堪嚇鬼蓋豐邑乃造凶器出賣地也

宋蔡嶷附族于蔡京呼京爲叔及京使攸出見遽改曰向者大誤公乃吾叔祖也人皆鄙笑之

金章宗時元妃李氏得寵兄喜兒與弟鐵哥皆擢顯近勢傾朝廷風采動四方南京李炳中山李著與通譜系超取顯美

妄認遠祖 梁何昌寓爲吏部尚書有姓閔求官者昌寓問君是誰後對曰子騫後昌寓笑曰遥遥華胄

五代唐郭崇韜爲樞密使用事自宰相豆盧革等皆附之以其姓郭因問崇韜曰汾陽王本太原人徙華陰公家雁門豈其枝派耶崇韜曰因遭亂亡失譜牒嘗聞先

人言上距汾陽四世耳革曰然則固從祖也

金陵李氏以爲唐後以唐號國錢文穆王聞之曰金陵
冒氏族于巨唐不亦駭人乎沈鵠文曰此可取譬也且
如鄉校間有姓孔氏者人則謂之孔夫子復何恠哉王
大笑宋蔡京蔡卞雖貴倚托蔡襄爲族祖

妄認親父 宋梁師成自以蘇東坡之子凡蘇氏事皆陰
厚之

不許通譜 唐杜正倫求與城南諸杜同譜不許銜之諸
杜所居號杜固其地有旺氣故世衣冠正倫既執政建
言鑿杜固通水利旣鑿川流如血閼十日止自是南杜
不振不肯易姓

北齊高洋盡滅元氏族元景高請改姓高氏從之其兄
景皓曰安有忘已祖而從人姓者大丈夫寧可玉碎毋
爲瓦全遂爲齊王所殺

五代節度使符習重石昂之行召以爲臨淄令習入朝
京師楊彥朗知留後昂以公事上謁贊者以彥朗諱石
更其姓曰右昂趨于庭仰責彥朗曰常侍柰何以私害
公昂姓石非右也彥朗拂衣大怒昂即日解官出府
五代時桑惟翰應試有司以其姓與喪同音恒黜不取
或勸其易姓惟翰鑄鐵硯又作日出扶桑賦以自堅後
竟登第

不妄認祖 宋狄青爲樞密使有狄梁公之後持梁公畫

像及告身十餘通詣青獻之以爲青之遠祖青謝之曰
一時遭際安敢自附梁公厚贈而遣之

皇后不稱姓 魏明悼后崩議書銘旌或欲去姓而書魏
或欲兩書司馬孚以爲經典正義皆不應書凡帝王皆
因本國之名以爲天下之號而與往代相別耳非爲擇
美名以自光也天稱皇天帝稱皇帝地稱后土后稱皇
后此乃所以同天地之大號流無二之尊名不待稱國
號以自表不俟稱氏族以自彰是以春秋隱公三年經
曰三月庚戌天皇崩尊而稱天不曰周王者所以殊乎
列國之君也八月庚辰宋公和卒書國書名所以異乎
天王也襄公十五年經曰劉夏逆王后于齊不曰逆周

王后姜氏者所以異乎列國之夫人也至于列國則曰
夫人姜氏至自齊又曰紀伯姬卒書國稱姓所以異乎
天王后也由是觀之尊稱皇帝赫赫無二何待于魏乎
尊稱皇后彰以謚號何待于姓乎議者欲書魏者此以
天王之尊同于往古列國之君也或欲書姓者此以天
王之后同于列國之夫人也垂經典之大義非所以垂
訓將來爲萬世不易之式也從之

皇后復姓 後漢梁冀見鄧香女爲貴人有寵女初隨母
養于梁紀冀乃認爲己女易姓爲梁後冀誅立爲后猶
姓梁氏群臣以后本出于鄧復姓鄧氏

宋孝宗謝皇后丹陽人幼孤鞠于翟氏冒姓翟及長入

宮以貴妃立為皇后復姓謝氏

公主改姓 宇文周趙王昭女千金公主周主贊以之妻

突厥趙王昭欲刺楊堅為堅所殺及堅篡周公言于

突厥統兵伐隋後因突厥勢衰講和公主乃請改姓楊

氏隋遂封為大義公主

宰相不呼姓 唐開元後宰相不以姓著止稱燕公者張

說也

自叙功伐 左傳襄公十年瑕禽曰昔平王東遷吾七姓

從王

宗姓爭長 左傳滕薛來朝于魯爭長滕君曰薛庶姓也

我不可以後之魯侯使人謂薛君曰諺有云山有木工

則度之賓有禮王則擇之周之宗門異姓為後他日寡

君朝于薛必不敢與諸任齒君若辱貶寡人則願以滕

君為請乃長滕侯

黃池之會吳與晉爭長晉侯曰於周室我為長吳侯曰

於姬姓我為伯晉司馬寅曰夷德輕請待之乃長吳侯

同姓妄婚 左傳齊東郭偃御崔武子以弔棠公見棠姜

而美之使偃娶之偃曰男女辨姓今君出自下臣出自

桓不可崔子不從卒娶之齊莊公通焉崔子遂弑莊公

而崔氏亦滅

子產聘晉晉侯有疾子產謂叔向曰僑聞之內官不及

同姓其生不蕃美先盡矣則相生疾君子是以惡之故

志曰買妾不知其姓則卜之男女辨姓禮之大司也今君內實有四姬焉皆同姓也其毋乃是也乎

魯昭公娶於吳為同姓謂之吳孟子

齊盧蒲癸娶慶舍女同宗也人謂之曰男女辨姓子不避宗何也曰宗不余避余焉避之詩賦斷章子所取求焉惡避宗

漢時王莽娶王咸女以為源不同而娶之莽曰予黃虞之後也故號其女為黃皇室主

魏陳矯本劉姓出嗣舅氏而娶于劉徐宜每非之太祖愛其才乃下令曰喪亂前事一切勿問

王基為子納王沉女以姓同源異文中子曰王劉二姓不可為婚以同出于

堯之後

先索大姓 後漢周紆為洛陽令下車先問大姓主名吏

舉豪民以對紆怒曰本問貴戚馬寶等輩豈能知此賣

菜傭乎由是貴戚屏息莫敢豪橫

夢識罪人姓名 北秦苻融時有遠客歸妻為人所殺而

寃繫於獄者夢馬立水邊二日在水下融曰馬立水邊

馮字也二日昌字也殺汝妻者其馮昌乎果得馮昌而

出其夫之罪蓋昌素與妻通欲殺其夫誤中妻耳

夢得夫姓 有貴家女屢議姻即不成夢人告曰田頭有

鹿角田尾有日炙乃汝夫也後有魯姓者求之而諧

夢識仇姓 唐謝小娥父與夫為人所殺夢人告曰殺汝

父者車中猴門東草殺汝夫者禾中走三日人也有人解之曰車中猴申字也門東草蘭字也禾中走亦申字也三日人春字也然則申蘭申春乎女偽為男子于申家村求之果得其人因乘間殺之遂報父仇

夢得榜姓 宋許及之屢舉不第夢神告曰汝陰功未積盍施藥于人乎及之如其言後就試夢神復告曰施藥功多陳婁問處殿上呼臚喚六作五後開榜果登第六名上人姓陳下人姓婁而呼臚之際第五名不至乃自六升為第五

戲姓滅宗 五代漢時蘇逢吉與史弘肇共飲坐客有為手勢令者弘肇不能旁客閻晉卿教之弘肇得免罰逢

言笑曰坐有姓閻人何憂罰酒弘肇妻閻氏本倡家善酒令以為譏已大怒欲設逢吉遂成仇隙後皆至滅宗
杜卯金刀 王莽既篡天下禁天下用卯金刀以漢為劉姓卯金刀其字也

國姓有識 東漢官職下皆帶一曹字後代漢者曹氏也
唐室未興天下歌桃李子又言十八子當有天下亦李氏也至于武則天尤異明知為女人明知在宮中又明知姓武氏而卒不能去之然則國家廢興成敗豈果有數存乎

姓薛得官 唐武后時張昌宗用事 弟同休亦得勢有薛姓者厚賄求美官張囑吏部越日吏部偶忘其名復

問於張張亦忘之乃曰但姓薛者與之時同時赴吏部
姓薛者幾三十餘人皆選以美職

尹姓命子 漢賈彪為新息長禁民不舉子民舉子者皆
曰此賈父所生易名為賈

漢吳祐為酒泉太守令囚妻入獄有孕囚謂妻曰吾死
無憾何以報吳君哉妻若生子當名吳生

魏時鄭渾為下蔡長召陵令時天下未定民生子多不
舉渾課使耕桑重去子之法民漸豐給所育男女多以
鄭為字

晉安帝時顧琛母孔氏平賊亂救饑民民子以孔為名
唐韓愈為山陽令有惠政民生子多以韓姓為呼

唐薛遂為巴州刺史人歌之曰日出而耕日入而息更
不到門夜不掩扉有孩有童願以名垂何以字之薛孫
薛兒

宋俞偉仕于閩閩人生子貧不能贍者多泔殺之偉
嚴為之禁活者千計後其子道立使閩有小兒數百迎
于郊多以俞為姓者

賢姓名子 元伯顏字宗道三歲時以指畫卦穎悟異人
父因以顏名之謂顏子復生也

假姓瀆倫 宋孝武殷貴妃本南郡王義宣女義宣敗孝
武密取之麗色巧笑寵冠後庭假姓殷氏左右宦泄者
多死故當時莫知所自

梁蕭正德妹長樂公主適陳郡謝禧正德奸之以婢燒死詐稱長樂公主納室稱為柳夫人生二子焉

頻改姓氏 隋時李密遺河間王子履書曰王之先世家

住山東本姓郭氏乃非楊族妻敬之於漢高殊非血胤

呂布之於董卓良異天親蓋欲其自異於隋也慶得書

遂降於密改姓郭氏密破歸東都又為楊氏及王世充

僭號又改郭氏後歸唐為宜州刺史又復楊氏

凶姓惡懈 晉趙王倫欲誅解系兄弟曰我水中見蠚尚

惡之况此人兄弟又輕我乎遂俱收戮

姓不利國 南漢主劉巖初改名襲人謂襲名不利當敗

國乃改名龔龔音巖後劉鋹用龔澄樞而亡澄樞亦誅

人謂姓之應也

忌姓不婚 唐自敏中欲選侯生為壻妻曰已既姓白壻

復姓侯人必呼曰白猴矣乃止

忌姓不立后 宋度宗時賈涉女有殊色欲立為后左右

竊相謂曰不立真皇后乃立賈皇后耶帝病其言乃止

無姓夷國 東南夷瓜哇國披髮纏胷其俗有名而無姓

無姓禪師 唐時五祖弘忍大師黃梅人生而無父棄之

水中不死人呼無姓兒四祖道信嘗于路逢之問小兒

何姓曰是佛姓曰汝無姓耶曰姓空故無師因乞為弟

子後為法嗣

叙姓踈妄 子長之序司馬氏所自出也其先司馬適晉

後復奔魏子雲之序楊氏所自出也其祖食采晉陽後為陽侯二公之序詳矣然按之春秋隨會奔秦後自秦入魏自魏而還晉豈有自晉奔魏之理則知子長之說也妄考之張衡言晉大夫食采于陽為楊氏有罪而楊氏滅無有所謂陽侯則知子雲之說也踈

閹奴假姓 唐昭宗時孔緯言楊復恭將反曰復恭陛下家奴而肩輿至前殿廣樹不逞皆姓楊非反耶復恭曰欲收士心輔天子帝曰誠欲收士心胡不假李姓復恭無以對帝欲收其勇奴守立以除復恭乃召守立賜姓李氏

詭托姓名 漢時有狂人成方遂詭稱戾太子

東漢光武初有卜者王郎詭稱成帝子

第五倫官未達客河東變姓名稱王伯齊載益往來太原當所過冀除

晉張昌易姓名為李辰以反又易丘沈姓名為劉尼假稱漢後立為天子後為劉弘所擒

南宋時王僧達愛軍人朱靈寶令詐死寄左永籍注為已子改名王元序補以美官後事發加禁錮

唐李至遠掌吏部有王忠者已斥之矣吏詭易其姓為士冀掩過則增為王也至遠一閱即怒曰選曆千餘人無士姓者此必王忠也吏叩頭伏罪

宋端平中布衣翟穎性險誕與知制誥胡旦狎旦為作

大言使類上之且改類名曰馬周以為唐馬周復出
高宗時有商人妻易氏詭稱榮德帝姬開封尼李靜善
詭稱柔福帝姬

范用吉者本姓李木魯名久任由金入宋謁制置趙范
將以計動其心乃更姓名范用吉趙怒其觸諱斥之用
吉猶應對如故趙良久方悟且利其事與已符遂擢置
左右凡所言動畧不加疑易其姓曰花使為太尉鎮均
州未幾納款于元

三莽偽制 莽既篡位詔黃媯陳田王氏皆黃虞苗裔予
同族也因令天下止此五姓名籍于秩宗世世復無所
與其元城王氏勿令相嫁娶以別族理親

遼金姓制 遼太祖慕漢高祖故耶律兼稱劉氏以乙室

拔里比蕭相國遂為蕭氏世世婚姻不取他族咸雍十
年都林牙庶箴上疏乞增廣國姓使諸部各立姓氏庶
男女婚姻有合典禮帝不從

金世宗禁女直人毋得譯為漢姓又禁女直人不得改
稱漢姓

章宗制諸女直人不得以姓字易為漢字又詔臣庶名
犯古帝姓及同者禁之又定皇族收養異姓男為子者
徒三年姓同者減二等又定以國姓賜功臣賞法時完
顏勗撰女直都望姓氏譜蓋始異于遼而終未得乎變
夷之風也

續文獻通考卷之三百十三
不識姓字 宋林摠唱進士名不識甄益字被斥按甄本音真又

或以為音堅而今之河內甄姓皆從甄韻則人之不識甄字者多矣

暨陶登元豐五年進士第一臚唱者以泪音呼其姓迄

不應神宗顧考官蘇頌頌奏當以入聲呼之果出時以

次名透升唱第已數人矣陶怡然無恨色出入閩通志

楊萬里嘗對客言于寶作搜神記一吏持氏族志進曰

作搜神記者乃于寶非于寶也萬里喜曰子吾一字師

以姓為戲 漢孔融詣楊脩脩出楊梅食之融曰此是爾

家果脩時年七歲答曰未聞孔雀是夫子家禽

宋殷淳字子孚與何勗共食孚羹盡勗曰益殷羹羹勗

無忌子也孚徐輒筋曰何無忌憚

晉時韓博以張天錫命奉表江左有口才桓溫使司馬

刁彞嘲之曰君是韓盧後博曰君正是韓盧後耳溫曰

刁以君姓韓故相問彼自姓刁那得韓盧後耶博曰明

公脫未之思短尾者為刁也一坐推嘆

北齊徐之才嘲王昕曰有言則誑近犬則狂加頸足為

馬施角尾成羊盧元明戲之才曰卿姓未入人名是字

之誤之才答曰卿姓在亡為盧在丘為盧生男則為虜

配馬則為驢

陳虞寄年數歲客有候其父遇寄于門嘲之曰郎子姓

虞必當無智寄應曰文字不辯豈得非愚客大慙

隋何妥年八歲游國子學助教顧良戲曰汝姓何是荷

葉之荷河水之河安曰先生姓顧是眷顧之顧新故之故衆咸異之

隋柳調爲侍御史楊素戲曰柳條通體弱獨搖不須風調正色曰調信無取公不當以爲侍御史調有可取公不應發此言也

柳機柳昂俱以外戚貴顯而楊素爲納言方用事因上賜宴素戲曰二柳俱摧孤楊獨聳坐者大笑

唐人有戲狄姓爲二犬者人曰狄乃犬旁加火耳曰犬旁加火正着熱狗也

有喜附貴族者因遊姑蘇書曰大丞相再從姪遊此士人李璋善謔書其下曰混元皇帝六十二代孫李璋繼

至

宋郭忠恕戲聶崇義曰近貴爲曠攀龍即聾雖然三耳不成一聰崇義曰莫笑生三耳終勝懷二心

盧多遜與賈黃中對奕外人報有飛蝗盧曰非真黃虫乃假黃虫也黃曰吾亦聞禾無損但蘆多損耳

楊誠齋與游雅齋厚善每相謔游曰揚子爲我楊曰尤物移人

石曼卿好恢諧嘗馬上被跌笑曰賴是石學士若瓦學士豈不跌碎乎

蘇軾微服詣王泉皓禪師師問曰公何姓答曰姓秤欲秤天下長老輕重耳師大喝一聲曰此聲輕重公能秤

得否軼聳然敬之

韓侂胄用事時有弟亦招權名小韓內宴時優伶飾選人詣日者詢之日者曰汝今見小寒不利要利時須見大寒耳

丁大全與董宋臣專政內宴時有優人專擊鑼鼓一優人斥之曰聖上要寧靜汝丁董董不已何也答曰於今國事皆丁董吾安得不丁董

六有姓 吳張溫聘蜀聞秦宓有口才欲困之問天有姓乎對曰有曰何姓曰姓劉曰何以知之曰天子姓劉是以知之溫大慙服

輕問取辱 梁有朝士姓吉者謁尚書令何敬容敬容卒

問曰君去丙吉幾世對曰如公之于蕭何一時傳以為笑

善據得職 南齊王儉典吏部有姓譚者求官儉曰齊侯滅譚那得有君客曰譚子奔莒是以有僕儉賞其善據卒得職焉

劉勗為祖 晉廣陵劉頌同郡有雷蔣穀魯四姓皆出其下時人語曰雷蔣穀魯劉勗為祖

同宗不言 石晉時安彥威與安太妃同宗出帝事以為舅彥威未嘗自言及卒太妃臨哭人始知其同宗也當時益稱其謹重

姓安人擊手惱 五代時溫韜發唐諸陵明皇髑髏為姓安

者所得供奉甚謹家致大富及四子共分乃析為四片
時有士人笑曰明皇生死為姓安人擊惱

姓宜第四 宋丁謂與孫何齊名開榜何第一謂居第四
耻居其下臚傳之際殿下有言太宗曰甲乙丙丁宜居
第四尚何言哉

閻馬丁當 理宗時閻貴妃與馬天驥丁大全專政有人
書國門曰閻馬丁當國勢將亡

姓作姓名 漢史貨殖傳有姓偉姓其姓偉其名也儒林
傳丁姓子孫從榮廣受穀梁春秋丁其姓姓其名子孫
其字也

重呼姓氏 重呼姓惟元人有之有脫脫台里氏有脫脫

忒氏有按攤脫脫里氏有達達兒氏有答答里帶氏有
徹徹担思古氏有西域回回氏

姓名同音 六帖云周之時有騏期漢之時有杜度 謂姓
名同音也卮言又云周之時有魯大夫衆仲余又謂周
之時有衛大夫承成戰國之時有韓大夫摎留漢之時
有虞禹張章三國之時有奚熙北燕錄有光祿大夫乙
逸而 我朝亦有大理卿周舟

以上五段
俱出名疑

請殺五姓 元順帝至元三年伯顏請殺張王劉李趙五
姓漢人帝不許

胡粹中評曰五姓漢人皆先朝佐命有功者也何罪而
欲盡殺之哉伯顏至是蓋肆行而無忌矣順帝不之許

則威福猶不至下移也

以姓顯名

公孫將軍 漢公孫詭為梁孝王寵愛號公孫將軍

司馬相公 宋司馬光

魚頭參政 宋魯宗道

小范老子 宋范仲淹

皇甫先生 宋皇甫坦為孝宗所重稱皇甫先生而不名

東海蕭生 漢蕭望之

京兆田郎 漢田鳳為尚書郎容儀端正靈帝目送之題

柱曰堂堂乎張京兆田郎

大小夏侯 漢夏侯勝 夏侯建

大小歐陽 唐歐陽詢 歐陽通

大小戴 漢戴德 戴勝

大小馮 漢馮野王 馮去 唐馮宿 馮定

大小王 晉王羲之 王獻之

大小鄭 北魏鄭道 昭述 祖

大小秦 唐秦景通 與弟暉

大小許 唐蘇瓌 蘇頲 俱封許國公 宋許將 許世安 俱狀元

大小宋 郊祁 見前 大小任 宋任孜 任俊 俱發氣 節有名 與蘇氏均

大小翟 宋翟興 翟進 俱死節

南北鄭 唐鄭絪 鄭與姪餘慶 相繼拜相 細第號南鄭 餘慶第號北鄭

李郭 李膺 郭泰 李光弼 郭子儀 鮑謝 南宋鮑昭 謝靈運 唐鮑防 謝良弼

陰何 梁陰鏗 何遜

蘇李 蘇武 李陵 蘇頲 李義甫 蘇味道 李嶠 又蘇晉 與李嶠

李杜 李固 杜喬 李膺 杜密 李雲 杜衆 李白 杜甫 又宋末李韶 杜範 皆以無直著名 稱李杜

劉何 梁劉孝標何遜

溫邢 北魏溫子升邢邵

邢魏 北魏邢邵魏收

高游 北魏高閭游羽根

徐庾 梁徐摛庾信

沈宋 唐沈佺期宋之問

婁郝 唐婁師德郝處俊

蕭李 唐蕭穎士李華

溫李 唐溫庭筠李商隱

曹畢 唐曹確畢誠

元白 唐元稹白居易

蘇賈 唐蘇晉賈貞

韓徐 唐韓熙載南唐徐鉉

盧薛 後周盧摯薛恭

溫冠 宋溫仲行與冠準齊名人稱溫冠

楊劉 宋楊億劉筠

蘇梅 宋蘇舜欽梅聖俞

韓范 宋韓琦范仲淹

富文 宋富弼文彥博

党趙 金党懷英趙風司有名

謝宋 元謝端宋本同有名

王郤 元王嗣能郤知章同有名

二李 漢李固李膺又李遜李建

二劉 劉焯劉歆劉歆之禕之劉夙朝劉清之清之劉煇

二鄭 唐鄭從諱鄭煦俱以文名又鄭煦與鄭煦俱為賊所殺

二陸 陸機弟雲陸遜弟抗陸瑜弟琰陸暉弟恭之

三陸 北齊陸儵任鍾唐陸衰或希聲

二孫 梁孫謙姪廉宋孫何孫僅

二蘇 蘇章不韋蘇湛綽蘇軾轍

三劉 宋劉鎮與叔祖向兄銓號三劉又清江瑞陽俱有名

三范 宋范純仁純禮純粹又范鎮子百祿百祿子祖禹

二王 晉王戎衍王羲之獻之梁王銓錫

三王 漢王尊王章王駿唐王珣王璵王璿又王憑兄弟三人又宋王安石安國安禮又王回王問王向又元王旭王磐王搆

二疏 俱稱三王見前

二馬 司馬談及遷

二班 班彪班固

二鮑 鮑永鮑恢

二班 班彪班固

二唐 唐林唐遵

二鍾 鍾銓

二范 范宣

二高 高允

二魏 魏季景

二周 周繁

二蓋 唐蓋文

二武 唐武元

二扈 五代扈

二管 宋管師

二蒙 五代蒙

二宋 宋宋雄與同郡宋琪同名

二陳 宋陳師

二蔡 宋蔡京

二樓 宋樓覺

二李 宋李東之李受俱

二林 宋林敏

二朱 宋朱震

二丁 宋丁宗

二姚 宋姚兕姚麟

三張 晉張載

三謝 南宋謝靈運

三周 南梁周弘正

三羅 唐末有羅

三支 唐支謙

三李 宋李亮工李自時李

三方 宋方閣

三石 宋石安民

三呂 宋呂蒙正

三沈 宋沈達

三種 宋種世衡子古

三楊 元楊湜與

三胡 元胡長孺與兄之綱之紀

四洪 宋洪師民四子俱有文各長明字龜父次芻

六吳 吳坦之吳隱之吳通微吳通玄吳

六柳 隋柳機柳昂

蕭曹魏丙 蕭何曹參魏相丙吉皆漢賢相

管鮑慶廉 管仲與鮑叔善廉范亦與慶鴻厚時語管鮑

慶廉

趙孟韓楊

趙廣漢孟寬饒韓延壽楊惲皆漢宣時良吏

辛陳杜趙

曹魏時辛毗陳群杜襲趙儼並著勲名故號

潘陸顏謝

潘岳陸機顏延之謝靈運並以文名

房杜姚宋

房玄齡杜如晦姚崇宋璟皆唐時賢相

王楊盧駱

王勃楊炯盧照磷駱賓王皆唐文人

許郝田彭

郝處俊與舅許圜師同里俱顯時鄉人田氏

彭氏富于財江淮語曰貴如許郝富如田彭

裴馬盧李

裴行儉馬載盧從愿李朝隱前後典選皆稱

職

姚宋畢李

唐明皇擢用姚崇宋璟畢構李傑皆極一時

之選時稱姚宋畢李

虞褚薛魏

虞世南褚遂良魏叔瑜薛稷並善書

楊穆許李

穆質與楊憑許孟容李鄘交善時人共以姓

稱

韓范富歐

韓琦范仲淹富弼歐陽脩皆宋賢相

張韓劉岳

張俊韓世忠劉光世岳飛皆宋良將

楊袁舒沈

楊簡袁燮舒燐沈煥皆陸象山門人

何王金許

何基王柏金履祥許謙皆傳朱子之學

虞楊范揭

虞集楊載范淳揭傒斯並元時以詩文著

以號顯姓

漢劉岱劉繇號劉氏二龍許靖許虔號許氏二龍而唐烏

承玘承恩號烏氏二龍南唐徐鉉鎔亦號徐氏二龍宋
 孫逢吉與弟逢年逢辰皆有文行時號為孫氏三龍李
 氏兄弟亮叔訓秀號李氏四龍房氏兄弟豫垣遂熙亦
 號房氏四龍汝南周氏五子子輿子羽子仲子明子良
 號周氏五龍而公沙穆五子紹孚恪達樊張裕五子演
 鏡永辯岱辛氏五子攀鏗曠寶迅以及燕山竇氏皆號
 五龍其異姓者則汜昭戴祈徐晏夏隱劉彬與索靖汜
 裏張魁索紆索永亦皆號五龍卞粹兄弟六人號卞氏
 六龍而溫恭兄弟六人亦號溫氏六龍陸微兄弟七人
 號陸氏七龍而崔徵兄弟七人亦號崔氏七龍荀淑子
 八人崔瑄兄弟八人號八龍而賀德仁劉知幾伏羲兄

弟各八人亦各號八龍崔樞兄弟九人號崔氏九龍而
 王昕兄弟九人亦號王氏九龍賈彪兄弟三人號賈氏
 三虎而陸暉兄弟三人亦號陸氏三虎北齊崔悛與弟
 仲文號崔氏二鳳而隋魏景義魏景禮亦號魏氏二鳳
 而宋謝洪謝澤亦號謝氏二鳳唐薛元敬薛收薛德音
 號河東三鳳而宋何棠何臬何槩亦號何氏三鳳
 同姓相類 事有同姓相類者如沈瘦事前有約後有昭
 畧望塵之潘前有黨後有岳書紅葉之鄭前有虔後有
 谷致水鱗之王前有祥後有延妻寄怨詩之竇前有玄
 後有滔弔客驢鳴之王前有粲後有濟

史傳訛姓

孔子弟子鄒單一作鄒善

句井彊一作鈞井彊 薛邦史記作鄭國

邦巽家語作邦選文翁圖作國選

子路門人承回一作成回

厝毛蘇代之後春秋後語作厝毛壽韓嬰作潘壽史記作

史毛壽國語作唐毛壽

貨殖傳桓廢雍伯漢書桓作稽雍作翁

酷吏傳寧成一作寧成殷中一作假中減宣一作咸宣

儒林傳殷中一作假一作假

孟子癰疽佞倖傳作雍睢

功臣表陳武一作柴武

相如傳蘭忌嚴助傳作間忌

郭解傳鹵公孺漢書作魯公孺

封禪書武帝王夫人漢書作李夫人

衛青傳輝渠侯鷹庇一作雍庇河渠侯禽黎一作鳥黎常

樂侯銅離一作稠離一作調離

袁盎傳稽生作服生袁成作爰

趙將龐煖索隱曰即馮驩 倪寬作兒寬

冷褒作廖褒 童恢作僮种

向平作尚平 王良作郵無恤

伯樂作孫陽

左國世本世紀年表人表諸書所載姓名辨異

仲雍作中雍

仲忽作中冓

鸞能作粥熊

曼伯作檀伯

仲山甫作中山父

張仲作張中

曹莊公射姑作嚴公亦姑

南宮毛作南宮髦

徐偃王作隱王

賓孟作賓猛

齊公子無虧作無詭

安孺子作晏孺子

公子壽作公子嘉

徒人費作寺人費

公子嘉即公子成

輪扁作輪邊

邴歌作邴鄆又作邴戎

雍林作雍廩

於陵仲子作中子

薄疑作蕩疑

闕止作監止

閻職作齋職

鄒忌作鄒忌

樂羊作樂陽

魯苦越作苦夷

微生畝作尾生晦

微生高作尾生高

佛肸作弗肸又作佛肸

公有假作公有瑕

公有定作公堅定

卞莊子作館莊子

曹劌作曹沫又作曹翹

闕黨童子作厥黨

公輸班作公輸般又作公舒班又作公輸盤

顏般作顏班

榮啓期作榮聲期

楚公子圍作公子回

司馬子綦作子期

費無極作費無忌

祝瞞作祝瞻

景差作景瑳又作景慶

椒舉作湫舉

續文獻通考

二百四

信陽作福陽

淖齒作卓齒又作悼齒

鄭成公輪作成公綸

高渠彌作高渠昧

傅瑕作甫瑕

衛殤公剽作殤公焱

蒯賁作蒯賁

武夷作視夷

棘子成作革子成

宋鈇作宋經

石圍作石專又作石墀又作石曼專又作石姑專

晉狐喧作狐爰

舅犯作咎犯

韓求伯作昧伯

魏雙作魏雙

屠岸賈作屠顏賈

屠忝作堵忝

竇鳴犢作竇鳴鐸

齊華作慶華

閻明作閻沒

冀闕作翼闕

知果作知過

豫讓作豫襄

吳蹶由作厥由

趙仇液作祝郝又作杌郝

陳司徒茗作司徒招又作司徒昭

公仲侈作公仲馮

寧越作甯越又作寧經

梁舍人馮喜作馮熹九方甄作九方臯

內名不同者亦附見其仲中鬻粥古字本通用不足為訛若曼之為檀安之為晏簿之為蕩闕之為監等類訛以傳訛存之備考

同姓名辯

路史曰耳目之所接有不得而盡世知孔子之謚文宣王而不知齊之竟陵王子良與隋之長孫雅亦曰文宣

王漢兩龔遂俱為郡太守兩京房俱明易災異然則千
 歲之久萬里之遠其不約而同者詎可既耶昔嘗聞有
 唐堯虞舜矣及撫梁史則又有所謂虞舜者官丞太常
 嘗薦明堂之議而漢更有唐堯為臨武長堯舜而可名
 哉予述路史既白祝融氏共工氏帝魁氏青陽氏高陽
 氏渾敦氏與夏后啓商湯有巢氏豸韋氏之不同而悵
 或人之無識也夫經史之間氏名同者衆矣如劉弘王
 褒俱有十一張良有九而張敞王吉皆有八然則記錄
 之下可勝感哉且士句士鞅之父也而乃相鞅壽夢句
 吳之君也而乃臣越書裁四代亦既載兩伯夷而論語
 一書乃有兩南宮适世莫察爾夫公孫龍為孔門高弟

而顏回為晉代老師時殊事異正得不滿有如王羲之
 之仕符健張華之佐慕容德韓信降虜曾參殺人亦既
 並時得不為投杼耶昔蕭繹陸善終俱著同姓名錄然
 特不能包刺即以後世固不勝窮而在古猶不少請誦
 其涉史篇著左方按古有庸成氏而黃帝之臣亦曰庸
 成伏羲曰蒼牙而天雷之吏亦曰蒼牙羲臣曰巫咸而
 未又商家帝臣曰朱宣而為唐刺濮以至離婁事黃帝
 則論彼商臣張若事黃帝則指夫秦士趙隱仕商國而
 亟舉魏賢馮夷友費昌而竟談河伯觀叔均而思稷子
 均山海經商見習朋而疑齊臣黃帝臣贊風后為軒師禹
 亦風后疑伍胥為楚族黃帝臣謂赤松為炎帝諸侯王初

號亦松以季連為柳惠等伍陸終之子曰季連仲衍為

孟戲之弟射况亦而孔甲為孔子之孫黃帝史官曰孔

亦名孫鮒皆有錯於見聞者也復若帝嚳之臣有窮之君俱

曰羿而俱以射名少昊之子魯國之士皆曰般而皆因

巧著凡此族者悉皆能紀且以虞仲之孫實曰虞仲蔡

昭侯申實蔡文侯申曾孫之子也是叵訓者漢趙王曰

如意矣而廣宗又名之唐義成曰琮矣而奉天又名之

鬱林曰恪矣而建王又名之此何為耶三代之臣悉遵

譜系下世乃有即姓而襲先代之名者為知其非祖耶

以晉王氏一譜而有兩渾昶子兩愷昶子兩綏

一倫子兩又一緒父兩澄一濟弟兩處一敦字兩安

期焉一湛子豈惟他族慕用而無識哉嗟夫有人焉自

姓孔而字仲尼則固不可為仲尼矣然則君子又奚必

襲迹以貽識者之譏哉

古人隱姓

老彭即彭祖姓箴名鏗 老聃姓李名耳俱出列仙傳

伯夷叔齊姓墨夷名允字公信齊名智字公達其仲僚名

遠字公望出呂氏春秋

孟子父孟孫激公宜母姓仇氏妻姓由氏 介子推姓王

名光 接輿姓陸名通 鬼谷子姓王名詡 計然姓辛

名鉞字文子有文子書行于世 達巷黨人姓項名橐出

師古漢 大夫種姓文 西施姓鄭名旦

荀卿師姓駢名背與仲尼同稱子弓者也

秦本紀丞相綰御史大夫劫綰姓王劫姓馮

壺關三老姓令狐名茂 出荀悅漢紀

漢四皓東園公或云姓國名秉或云姓唐或云姓庚或云

圈公姓韋綺里季或云姓吳名實字子景或云姓朱名

暉字文季夏黃公姓崔名廊字少通角里先生姓周名

術字道玄漢書顏師古注曰四皓隱跡山林氏族無得

而詳皆後世皇甫謐之徒附會亦一說也

梁四公子一曰蜀闖音携一曰駝杰音萬一曰麩端音蜀

一曰仇督音掌姓譜以為七國之梁而王子年拾遺記

以為梁武帝時人俱未可信

麻衣子姓李名和 天門子姓王名經 通微子姓楊名

什伍 神和子姓屈突名無為 玄真子姓張名志和

達觀子姓李名荃 抱朴子姓葛名洪 金華子姓劉名

崇遠 清虛居士姓王名翬字定國 無盡居士姓張名

商英 綠珠姓梁氏 浣花夫人姓任氏 花叢夫人姓

費氏

改易姓氏已見于前外又有姓名俱變者范睢范蠡梁

鴻之外其人不一今備載之

漢書劉文伯即盧芳 三國志馬忠即狐篤音覲 晉書李

辰即張昌劉尼即丘沈音覲 唐書楊守亮即訾亮 李國

昌即朱邪赤心音覲 李寶臣即張志忠音覲 李忠臣即董

秦前 成汭即郭禹前 楊守立即胡弘立又改姓名李

順節 五代史殷崇義即湯悅 朱友勤即康勤 李紹

虔即晏球前 李茂貞即宋文通前 李繼鵬即閻珪

王宗阮即文武堅 王宗滌即華洪 朱友恭即李彥威

前 李繼岌即桑弘志 王德明即張文禮 李繼麟即

朱友謙前 李繼琛即康延孝前 李紹安即袁象先前

李紹充即溫翰前 李紹宏即斷凝前 孔循即趙殷

衡前 李紹英即房知溫前 宋人陶穀即唐彥謙 李

良嗣即馬植 李繼昭即孫德昭 李繼弼即董良弼

蜀才即范長生 鄒訢註參同契即朱熹

古姓異文

殷賢遲任或作遲或作遲或作越

鄭人醜明強鉏罕虎醜或作醜或作艘或作變強或作彊

或作弼罕或作罕

齊人丙歎雍廩丙或作那雍或作雖或作 威王時盼子

或作盼

晉人卻缺特官藉談蛾析知伯卻或作却特或作植藉或

作籍蛾或作螳或作蟻知或作智

楚人椒舉為章保申鬪伯比芊倫椒或作赫或作未為或

作遠保或作葆鬪或作鬪罕或作筵

秦人扁鵲高或作鵲鄭人洩駕陳人洩冶洩或作泄或作

漆

東周臣伶慳伶或作冷

漢功臣表訾順雕延年穆廣德祕彭祖藉瓌訾或作磨雕

或作鷗穆或作擱祕或作秘藉或作席 舍人無且無或

作鄒或作邗 司徒掾俞達俞或作郇或作俞 丞相冥

都冥或作鄭 太子少傅瓶守瓶或作餅 諫議大夫救

仁救或作揀 尚書令鞠譚鞠或作鞠 東海太守鄙熙

鄙或作畜或作儻 九江太守荆脩荆或作弗 大中

夫來歛來或作萊或作邾 御史大夫鼂錯或作晁錯

御史汎勝之汎或作汜陳球碑黎陽黎或作犁 博士梧

生梧或作榔或作拊 京兆尹雋不疑雋或作雋或作雋

魯相郁貢郁或作鄒或作或 王莽時南山盜棚宗棚

或作崩備備後多六字通用 中常侍蕙暉蕙或作蕙

晉人智堅智或作咎

姚秦將軍斂憲斂或作斂

續文獻通考卷之二百十三終

續文獻通考

卷之二百十三

三

六上

